



831746

道光甲午鐫

涇川王氏詩輯

一本堂藏板

序

在昔作述相承箕裘遠衍

夏侯冠

大小

號曰馬習父子之傳范氏之儒教梁集

解於武子鄭門六藝問答述志於小圃或

以花萼而稱編或以家錄而濟美左右供

其采獲前後合為輝光淵之乎可謂芥

藻聲言芬芳矣葉矣 王子辛園涇川

名宿祁山故家溯源於梅銷城邊移位

序

在琴高涇上閱酸醜而得味脫塵壻而表

姿辯貞亮而為鞏集古今而作鏡分經

著緯擅長廿一二史之間倫實樹之再選

勝十九村以外豈非庀生者仰蔭懿派

者依源登多寶之船而先驚亂費入

陳芳之國而盡采氣氤氳者哉粵考瑯琊

之先寶由李唐而大前朝振其統緒

昭代接其淵源德孚則擅政事之才慎五

則著文章之譽震陽以理學倡明於後巖  
潭以科名踔厲於前又有北翰武功雲漫  
高節濟之歸老希義游仙皆得川岳  
之秀靈允推高曾之規矩道分南北眷別  
東西交奏鏗鏘自成馨逸莫不著鍾五浴  
米出三春窮高以樹表而豐蔭爭呈極富以  
選言而奇章有耀無如百年鼎之辨部承  
此一綫繩、靈雷龍襲誤空谷之蘭堯委靈

序

城之劍誰尋將再傳而漸湮為千古所  
同慨 辛園廣羅子澤獨出心裁抉隱  
前修据華近載極錯綜於萬度總胚胎  
於一陶珊瑚入徑而始榮喬雲聚霄而弥  
煥集成一卷庶繼美于祖庭材拓九能益  
黼祥於家術嗚呼盛已某蓬心未洗梔貌  
僅存每遇車而涎流忽聽筑而技癢他日愧  
深覆孰姓名得挂於集中此時謬許引

望顏色常留於字裏威鳳寸羽神龍片  
鱗廣我見閩多君被飾比微之之編  
長慶願托交遊出元晏之序太冲唯  
餘嗟歎焉耳 嘗

道光甲午孟夏

賜進士出身翰林院庶吉士知南陵縣  
事候選知府戊子壬辰江南同考官  
古鄂王成璐廣普氏謹

序



王氏詩輯序

夫識大識小傳道端賴傳人言夏言殷  
徵文卽是徵獻良以後先輝映識字學  
之淵源卽系流傳如統承之緒脈也耕三  
先生詩以有王氏詩輯之作也蓋吾族遷  
居涇邑肇自祁門昭穆遞嬗雲初矣  
葉高曾上溯譜牒詳明亦不臆陳善煩  
贅述惟星星羅縵布闡闡連雲岳峙

序

淵淳山川挺秀屈指十有三族總計十有  
八村相與宅之畝田保世泝大觀支柳溪  
源遠地接九子之峯星水潭深家近雉云  
之市檀嶺連承派朝爽觀前接東山晚霞  
盤孤嶺之峯髻螺堆翠范丁潭之水空  
鏡澄明城山迢遞尋郭蹟而尚有丹壚赤  
水嘈鳴訪羅家而猶留詩壁莫不襟山帶  
水比櫛排鱗雞犬桑麻陰陽和會之所詩

書禮樂俊髦蔚起之場由是科第聯翩  
文人代出類皆胸羅列宿手握元珠擷宗  
艷典班香駟白仙典賀鬼形諸篇什行寫性  
情或規撫曹劉或揣摩韓杜居官者懷濟  
世之才而憂國安民隱居者寫自得之樂而  
陰風弄月想當時精心結撰極意經營攝  
管凝思揮毫得意綜成卷帙裝入縑緗壽  
梨枣而示來芥付剞劂以垂久遠於以昭不朽

序

二

之盛業矜獨出之心裁豈不偉歟無何編殘  
簡斷嗟手澤之飄零人往風微歎元言之覆  
甌蓋有名傾一世索遺文而隻字無存帝貴  
洛陽不數傳而片言莫覩採觚之士為之不平  
染翰之家不禁短氣豈非千仞之隱恨亘  
古之長嘆歟昔人謂收得人遺文典哺棄見  
比真拾得人剩稿典瘞枯骨同功蓋傷之矣  
誠惜之烏 耕三學力賅博雅擅三長識解

通明書窮二酉歆一族之詭塗聚一編為永久  
於是著意搜羅潛心尋覓近取 昭代遠  
溯前朝求赤水以索明珠探禹穴而獲珍秘  
探賾索隱既有美之必收披沙揀金亦瑕瑜  
之不掩緬風徽於往昔持月旦於同時考古証  
今無苛言濫集成以卷郵示同人予讀之嘆其  
用意之深採訪之密譬入羣芳之圃紅紫鮮  
妍以登廣樂之堂竹絲繁會觀天文者觀

序

三

衆星之藩衛樞斗陟泰岱者見諸峯之拱  
伏兒孫洵藝林之大觀也王氏之盛典也僕  
典 耕之素為合譜之親夙訂忘年之契偶  
有著述互為叅稽閱斯集也羨搜討之辛  
勤物聚豈好喜新傳之不墜精氣相連是  
為序

道光十四年仲夏月上浣之吉

安吳慕堂氏思考識





自序

吾王氏於涇川爲最衆俗稱爲十三王細析之有十八九村落然溯其淵源俱先後自徽郡祁門苦竹港遷來爲唐兵部尙書大獻璧公後故族雖衆實一本也舊合姓在涇城東隅建有總祠爲一族聚會之地辛卯夏因拓基重造首其事者星潭有慕堂先生承流有力三先生二人年最尊學最優而予以後進隨其末每當庀工選料之餘燈前夜坐酒後清談時時得聆各族諸前輩名章雋句予性好綴輯每得一詩輒退而筆錄之不一年居然

涇川王氏詩輯

卷首

自序

一

成帙慕堂先生適見而喜曰吾族前明如巖潭慎五諸公事業文章俱堪千古惟詩文各集傳本頗少以致不獨外人鮮有知者卽族中英雋亦往往數典而忘其祖得君搜輯成集將先達之精靈後生之秀拔於茲一聚不致湮沒無傳功莫鉅焉余聞言喜不見棄於長者益廣加蒐集共得詩一千餘首時邑中趙氏刊有淵源集吳氏刊有詩存董氏刊有詩萃爰仿其條例分爲八卷名曰涇川王氏詩輯集旣成遂弁述緣起以弁諸簡首

時

道光十四年歲次甲午仲春月上浣辛園王鏊耕

三氏自序於丁潭之綠蔭山房



涇川王氏詩輯

卷首

自序

二



Faint vertical text columns, likely bleed-through from the reverse side of the page.

詩輯題詞

慕堂

太乙下天門杖頭吐火照辛圍百年文鬼笑語喧  
盡是槐堂子若孫爲言當時琢肺雕肝舌瀾翻雄  
才浩氣顛乾坤日積月累卷帙繁奈何兵燹火蠹  
不一存若更綿綿延延泯然復待盡騷壇啾啾鬼  
泣冤吾家耕三子力大鼎可扛氣盛牛可吞尋章  
覓句搜遍十三村輯成八卷持與我囑以校對細  
釋繙賤子讀罷氣軒軒一名一集尋其源百句一  
字討其根登是選者圭璋瓊璧羅西崑陸離光怪  
世共尊始知萬古不朽在立言

涇川王氏詩輯

卷首 題詞

奉酬慕堂先生見題詩輯之什卽效其體

辛圍

我生辛苦號辛圍  
繾幽鑿險心所便  
每欲百氏聚一室  
使之魚魚雅雅成  
爲吾家言况吾槐堂  
一豚傳文章忍作委地錢  
所恐星羅碁布一十有三族  
不能沿門求乞都有緣  
何期偶作蒐集想鄙寄驛  
遞爭來前精光忽從故紙出  
死灰頓見生氣旋遂使舊時棄置  
斷簡與殘編今朝綴拾俱成裘  
腋鮮先生見之發大笑士安一序  
導其先更作爛語爲訟寃道見文鬼啾啾唧唧歡聲喧  
不怕使人媿聞

汗滴圓但此寸許些兒物自明迄今歷有五百年  
其中名臣才士與神仙一一羅列賓坐筵終是王  
家盛德事豈若過眼之雲烟

涇川王氏詩輯

卷首 題詞

二



其中心出木土與輪此一...  
汗滴圓但此寸許些兒物自明迄今歷有五百年

涇川王氏詩輯目錄

卷一 明

王淵

王達

王祚

王廷幹

王廷傑

王鑑

王有執

王秉政

王廷極

王達亨

王滋德

王益

卷二 明

王廷考

王天爵

王文炯

王文燿

王大亨

王士佳

王士俊

王景聖

王之棟

涇川王氏詩輯

卷首

目錄

一

王宇興

王焮

王時復

王時可

王希謙

王大成

王政佐

王徽

王文

卷三 明

王徽

王湑

王三益

王之俊

王若桂

王國安

王守廉

王明紳

王家賓

王輔

王景星

王迎樂

王一柄

王雲龍

王雲鵬

王大新

卷四 國朝

王世美

王鯤化

王維

王斌

王大祺

王用福

王宏締

王大爲

王學虞

王戢

王素

王煦

王永若

王雲蛟

王廷謀

王道演

王逼霄

王天祥

卷五 國朝

王國彥

王言昌

王典

王時際

王幹

王燠

涇川王氏詩輯

卷首

目錄

王德欽

王承超

王承浩

王世鑑

王超

王必成

王文炳

王人龍

王起元

王陳廷

王旺

王元

王尚勳

王秉楠

王燮

王秉柳

王七政

王道烜

王玉成

王道經

王贊

王秉倫

王丙然

王師言

王彬然

王帽

王洪藩

王芳

王秉健

王瑞徵

王道旭

王仲文

王思誠

卷六 國朝

王發庚

王凝

王會辰

王秉卿

王秉佳

王秉偉

王枝一

王資丕

王雨霖

王侍紳

王衡

王森

王立嶠

王道然

王桂林

王集

王文玠

王汝霖

王璣

王思賢

王紉

王煥

王吉士

王天慶

涇川王氏詩輯

卷首

目錄

王際盛

王天慶

卷七 附錄

王思孝

王惇緒

王文寶

王希賢

王安廣

王封坦

王望雲

王樹棠

王德成

王寶賢

王賚臣

王金台

王廷琛

王必榮

王元淦

王秉銓

王弼

王德昌

王德璜

王多士

王思勳

王宗材

王作賓

王立祥

王立本

王翊

王典謁

王鳴鸞

王彥

王家欵

王寶慶

王炳輝

王紹模

王湘

王憲章

卷八 附錄

王立才

王寶仁

王奉會

王承澤

王應麒

王道編

王道鴻

王大浩

王懋昭

王江

王詒芳

王炳光

王鞬慶

王保定

王寶樹

涇川王氏詩輯

卷首

目錄

四

王儀鳳

王槐

王延澤

王保齡

王七生

王際諤

王錫銜

王懋

王承賢

王胤

王錫

王立本

王寶

王奉會

王登八

王

王金

王廷

王憲章

王

王寶慶

王

王

王

王

王

王立本


王

涇邑雙桂齋鐫



涇川王氏詩輯 卷一

丁潭 塗辛園校輯  
觀前望雲槐庭



星潭思孝慕堂  
大坑惇緒力三

同訂

孤峯寶仁壽山

王

淵

字以深號玉川 檀嶺人 明永樂辛卯亞元任江西撫州金谿教諭 陞延平教授 仕終忠州知州

天公漫興

暝日烘窗格。珠簾透影紅。竹涼留曉露。花艷發東

涇川王氏詩輯

卷一

風不假攜柑聽閒欣得句。工幾忘身是我何事怨

天公

王

達

字德爭東隅人。明成化丙戌進士。與羅一峯莊定山陳白沙等相友善。歷南京戶部郎中。嘗決鳳陽河南爭田之獄。又發十三年之盜。銀於倉地。吏民驚服。遷武昌府知府。斬妖僧。繼曉擒妖。術道士李政。省立三等九則之法。以均田役。時守備太監。假進貢。漁獵小民。奏革之。湖湘水旱相仍。疏罷襄竹。與梅花共結盟。武昌百姓嘗有詩。榮武昌太守。人都說。不。同。桃。李。鬪。春。榮。武。昌。太。守。人。都。說。官。與。梅。花。一。樣。清。年。五。十。致。政。歸。自。號。憇。陋。子。著。有。憇。陋。集。九。十。二。卒。鄭。相。如。青。虹。閣。詩。評。云。王。德。爭。詩。龍。威。虎。振。拔。劍。弩。張。垂。老。尤。精。琢。古。雋。孫。曾。數。世。騷。擅。名。家。淵。源。有。自。矣。按。公。行。狀。并。邑。志。俱。載。公。著。有。憇。陋。集。余。遍。搜。

不可復得祇德孚小草一册是公元孫  
文炯所刊詩不多而莊重煖煉洵爲一  
族冠冕也

贈包巡御竣事復命

臺端丰度似君稀。玉質冰心見德輝。  
錦綺山河隨指顧。荆吳郡國有光暉。  
湖邊彩鷁驚馬道。上絮花映繡衣。  
六月風霜凝白簡。千年松桂植彤闈。  
聖書專領勅綱紀。威鳳祥麟稱具美。  
載筆還傳舊省郎。持斧咸誇真柱史。  
殿雙旌。肅百寮。長江一帶清千里。  
關山惜別日難留。祖餞相看情未已。  
來往巡行著激揚。况多惠政惜年荒。  
漫聽啼猿愁驛路。

涇川王氏詩輯

卷一

二

祇觀芳草滿河梁。弟兄忠節連臺府。  
南北封書接建章。會見周家歌吉甫。  
詎云漢法倚張綱。

雙松稱壽歌爲侍御陳前川賦

詔華淑氣歸秦苑。松色休光自漢宮。  
常向日暉留偃蓋。俄承露浥轉春風。  
芬芳不爲繁霜改。節操難將衆木同。  
詎以流膏助鼎實。還觀楨幹映晴空。  
密葉高枝映碧峯。牽風生韻雜歌鐘。  
佳辰雨露恩偏近。春月陽和色更濃。  
正直共言千歲景。栽培還遇五株封。  
因看巖下叢生桂。益顯雲中舊種松。  
勝景名圖爲誰傳。陳氏雙親黑髮年。  
紫誥褒榮光郡國。

繡衣持節靖風煙。五十承恩時罕有。椿萱並秀實  
天佑南山雲氣襲高堂。北海霞觴稱永壽。親壽君  
恩福共新。烏臺忠孝慶長春。願使聲名齊鼎鼐。蚤  
看勲業畫麒麟。

過潘陽右衛散軍賞

將命辭丹闕。扁舟過歷陽。江程懸斗日。風浪出帆  
檣。勘亂資戎畧。褒功重典章。皇恩正浩蕩。使節媿  
餘光。

采石別林祠部

京國論交久。情懷獨見真。野航同泛月。寒鷺欲依

涇川王氏詩輯

卷一

三

人盛世忠良。士窮邊放逐。臣都門不忍別。掛席采  
江濱。

遊巖瀕寺

年華邁九十。靈刹駐藤筇。水竹斷荒徑。煙雲薄秀  
峯。溪橫半折木。巖有未飛龍。曉日纔窺洞。山僧起  
撞鐘。

晚泊天津

停舟春色晚。騁望客思懸。襟帶從齊魯。藩屏控薊  
燕。潮聲東屬海。水勢北連天。關塞軍戎萃。樓臺鼓  
角傳。眾星皆拱極。孤月似依船。宇宙無烽火。山河

謹備邊。

寄萬壽寺瑤瑛上人

上人性定慧。早悟上乘成。慮少是非絕。身閒冰雪清。林深古寺寂。月照禪心明。世事久已遠。塵俗無牽縈。焚香起清曉。洗鉢過平生。僧楞推孤操。沙門識舊名。奉身一衲破。說法衆生驚。善惡每異趣。因緣度愚盲。何事出故剎。雲遊來帝京。錫飛無定在。杯渡不辭盈。山水仍寄傲。煙霞更獨行。一朝別我去。空憐夙昔情。脫然相思切。因風寄此聲。

和陳孟明遊瑯琊

涇川王氏詩輯

卷一

四

林深路僻舊瑯琊。淮海名區景獨嘉。千古殘碑蝕綠蘚。四山枯木護丹霞。洛陽才子閒吟眺。天竺高僧笑送茶。鳥語泉聲春自在。佇看斜日數歸鴉。

再寄瑤瑛上人

石佛菴中老遠公。薜蘿深處結茅篷。跡居片石孤峯下。心在清風明月中。三界法輪眞夢幻。諸天色相總虛空。閒邊不說浮生話。高枕藤牀日已紅。

上人登黃鶴樓

高樓獨倚愜公餘。俯視晴川薄太虛。踈懶豈堪糜寸祿。清懷不喜食嘉魚。瀟湘一水浮煙散。江漢千

家。化。日。舒。黃。鶴。舞。殘。明。月。夜。白。雲。常。拂。楚。臣。裾。

封事示內

按公守武昌當憲廟時妖僧繼曉以邪術得幸尊為法王恩寵異常回籍祭掃所過屠戮玩弄兩臺不敢仰視公擊案怒曰不殺此奴非丈夫也宜人流涕諫之公因題詩以示遂說計逮繼曉下獄疏上值孝廟登極閱奏欣然御筆書屏曰天下第一司伏誅達繼曉付有司伏誅

夜。焚。疏。草。對。孤。燈。遙。看。天。樞。轉。玉。繩。貢。獻。有。常。來。  
奄。寺。寵。恩。何。意。及。妖。僧。貪。生。自。笑。分。微。祿。報。國。嘗。  
懷。竭。寸。膺。莫。問。龍。顏。今。喜。怒。已。拚。白。骨。葬。江。陵。

致政歸阮山別墅作

謝。政。歸。來。從。政。年。阮。山。猶。有。舊。林。泉。也。知。慙。直。難。

涇川王氏詩輯

卷一

五

容。後。自。是。迂。狂。不。改。前。短。徑。常。持。黃。菊。醉。幽。窻。獨。  
抱。綠。桐。眠。當。時。已。昧。全。身。計。得。遂。初。衣。亦。灑。然。

村居

水。色。雲。踪。一。逕。斜。傍。山。茅。屋。是。誰。家。孤。舟。淺。泊。無。  
人。渡。深。卧。幽。林。看。落。花。

鳴琴

淡。然。清。響。出。秦。絛。流。水。高。山。寄。暮。思。千。古。知。音。能。  
有。幾。松。風。清。灑。憶。鐘。期。

王

祚字常吉號啟迪檀嶺人明天順甲申拔貢官江西廣信弋陽教諭陞任湖廣岳州巴陵

知縣

按公詩才清婉有高菊欄杜小山之風邑新舊志俱失載殊可慨也

寄友二首

分首各西東。形神夢寐通。魚兒遊碧澗。燕子報春風。芳信雲山隔。闕心物色空。所嗟鍾氏遠。誰與和絲桐。

楊柳滿汀洲。春光引我愁。相思經一別。瞬息又三秋。蓬跡隨風轉。年華付水流。人生要珍重。容易誤前修。

春日即事

春聲到耳總堪憐。一度濃華又一年。渡口風光楊

涇川王氏詩輯

卷一

六

柳陌江南煙雨杏花天。數家茅屋招沽客。千尺晴波盪畫船。幾載懷人人不見。此生愁恨自無邊。

擬曹唐大遊仙之一

懶呼小玉理絲桐。天上人間杳冥中。去去飛鴻逐塵世。雙雙化蝶夢璇宮。溪邊流水波仍綠。洞口桃花色又紅。前度劉郎今不見。幾回無語倚東風。

無題

盡日愁城困鎖牢。酒爐茶灶賸蕭條。竹應笑我迂疎甚。不肯因風便折腰。

夜泊溇陽

溇水清涼志與夫。疎林下。溇水清涼志與夫。疎林下。

一曲琵琶酒半卮。當年司馬太情癡。我來不覺青衫濕。自己悲秋自己知。

春眺

楊柳溪邊隱小橋。東風茅店酒旗招。詩人拚得春光醉。二月江南舊六朝。

王廷幹

字維楨。號巖潭。德孚公曾孫。七歲能文。讀書日以寸計。年十六舉嘉靖辛卯鄉試。第五。明年成進士。是科未冠者蔡汝楠。桑維喬與公三人。而狀元林大欽亦弱冠。未婚。並奉詔歸娶。鄉人榮之。授行人。歷戶部郎中。累遷九江知府。乞休歸。鍵戶著述。凡邑中碑版誌銘。悉出其手。博物洽聞。雅善吟嘯。卒年六十二。著有巖潭詩集。

涇川王氏詩輯

卷一

七

趙知希。涇川詩話曰。吾涇有明前輩。究心理學。多不專以詩名。自有巖潭與吳中。皇甫子循。兄弟唱和。始有所興。一起。鄭相如。青虹閣詩。評曰。王維楨。宜與才名。弟如家。籠鵬。鴿迴。翔容。與宜。與皇甫兄弟。分道揚。馳也。按江南通志。載公有巖潭。居集十卷。朱竹垞。明詩綜。載公。有巖潭詩集。邑志又載。公有九江詩集。余祇見公巖潭詩集。四卷。可知遺佚者。甚夥。然邑徵士。趙君琴士。謂公著述。皆。伏僅。然竹垞。明詩綜。收得二首。有遺文。竟。邈。然之句。琴士素留心涇事。亦殊。覺。廣也。

遊水頭紀事

遊賞出南郊。晴明愛此天。碧雲和宇宙。佳氣藹清煙。有斐數君子。奇哉成道仙。久居塵網裏。而欲返。

自然良晤不易得。况復歲月遷。登臨在此日。抱興  
已經年。離城三二里。尋娛信無邊。畢竟霧縈處。別  
自一山川。石墪苔紋古。巖麓椿樹聯。形象艷吳楚。  
祥瑞滿幽燕。一轉麥穗秀。再看蔬菜連。農人盡地  
力。荷鋤到陌阡。欲爲稻梁謀。激水之高田。柳根穿  
地脉。榆葉引邱巔。薔薇帶土發。藤蘿附壁懸。春花  
雖未謝。夏景亦可憐。芳草無晝夜。王孫有詩篇。斷  
流徑飲馬。茂枝足撻鷗。馨香豁耳目。寂寞味眞元。  
行到高子圃。茆齋八九椽。暫息騁觀望。勿爲外物  
牽。前面景更佳。此時日正延。孤墓培喬木。名湖藏

涇川王氏詩輯

卷一

八

萬泉遊人一水隔。勝地四時鮮。盛槩無比矣。真樂  
盖有焉。菁菁岸旁蒲。鬱鬱池畔荃。汎汎河中魚。飛  
飛天上鳶。啣吻愛鳴鹿。隱隱見卧犍。萬物皆自得。  
人何苦拘攣。放浪形骸外。情思遶百千。雲浮嵐俱  
黑。風動水成漣。荒城遺舊蹟。小澗引清汧。徘徊亭  
子上。雅靜息馬鵝。民風布絲竹。鳥聲雜管絃。浩蕩  
覽野色。所期在聖賢。秉心勵掘井。守已若臨淵。窮  
理須格物。得意自忘筌。直至水頭北。行行且着鞭。  
蕭庄布置巧。僧房內外全。焚香誦經處。洗塵藉陶  
甌。攜酒綠蔭下。清風何綿綿。洒落如我懷。喜此風



光妍。數園花燦燦。沼沚流涓涓。仰觀皆桃李。俯視多荷蓮。竹林極幽僻。槐臺益工專。假山石高峻。蹊路栢團圞。小閣松盤蓋。斜徑竹籬編。憶昔蕭公者。用心亦粹顛。厯事三朝久。庶幾無大愆。施爲百千事。訪玩千古傳。旅寓若萍泛。清賞值寅緣。神武滅蜂蠆。風塵效鷹鷂。蓬萊繞紫闕。霄漢拱御筵。鳳音絲綸切。虎政煩苛蠲。遭此文明世。吾輩各勉旃。因思吟弄子。萬代人所虔。我欲徃從之。非德不能沿。日落天欲暮。歌詠相與旋。此樂不可盡。以冀後會遒。

涇川王氏詩輯

卷一

九

留別京師諸友四首

與君共歡愛。寒暑幾推移。宿昔和琴瑟。旦夕起別離。駕言齊魯征。悠悠隔山陂。尊酒留佳人。攜手在何時。春風發綠樹。梅柳正繁滋。去去日已遠。我行且遲遲。濟水日東流。有懷君不知。

東行登泰山。山高多白雲。瞻雲連冀北。紫氣何緗緗。山川雖云阻。風物自相親。所貴恩情重。千里猶慙慙。感君寶刀贈。誦君瑤草文。鸞鳳今相違。羞比黃雀羣。

晨風繞雲中。奉詔下紫旒。我辭金臺月。欲尋沫泗

流一別成參商。顧望益懷憂。懷憂無終極。優游解  
吾舟。泛舟雖云樂。惜無故人浮。非不鳴絲竹。知音  
誰與儔。仰慕同袍趣。馨若蘭蕙幽。山鳥翩翩飛。求  
友度河洲。愛此三春景。倏忽成九秋。  
春風盈上苑。卉木鬱芬芳。感時集良朋。欲覽燕山  
陽。如何陽闕曲。忽忽促別觴。對觴不能飲。嘆彼東  
路長。仰看浮雲馳。潞水何茫茫。輕舟鼓枻歌。飄飄  
凌風翔。蘭澤采芳草。逢寄益傍徨。願爲比翼鳥。奮  
飛對鳳凰。寄謝諸君子。相思殊未央。

涇川王氏詩輯 卷一 十一 冬日懷友兼柬舊遊諸子三首

涇川王氏詩輯 卷一

十一

行行重行行。渺渺去何之。濟水同解纜。詎意從此  
辭。風飈吹木葉。霜露滿山陂。鴻雁遂南飛。江漢隔  
水涯。歲月忽復易。相見未有期。行人各一方。悠悠  
長相思。短歌子衿調。長吟伐木詩。楊朱泣歧路。墨  
翟悲縞絲。沉憂不可解。對酒豈能持。願言崇明德。  
莫忘歡會時。  
明月皎夜光。寒風振冬肅。月影留遺照。風聲動巖  
谷。嚴霜凋野草。時去一何速。聚會轉上京。分離對  
南服。一水隔通津。千里賸平陸。我懷何所依。隆思  
亂心曲。却瞻東浙渚。還念西江澳。曉雲煩君望。落

日動。余目。綢繆。殊未央。歲寒。擬松竹。同心。今不見。  
深情。難盡。錄。

涉江采芙蓉。入山攀幽林。江山豈虛往。將以遺所  
欽。戚戚悲行遇。佇立還相尋。迢遞青峯澗。微茫滄  
海深。寤寐多遠念。神爽若飛沉。振衣獨長想。想君  
嶽。與音聊展清商調。冷冷撫鳴琴。我行登泰山。效  
爲梁父吟。惜無同懷子。何以慰我心。茲感歲云暮。  
白雪屢飄零。那得郢人曲。還自叙商參。愧無琅玕  
贈。尺素代兼金。

五月齋居作君子有所思行

涇川王氏詩輯

卷一

十一

昔年未弱冠。獻策忝王臣。結轍燕齊道。宣綸魯楚  
濱。名山縱玩賞。芳歲幾因循。舊友俱鵬散。孤心托  
雁陳。葑菲踰五載。時序易三春。豈羨冠裳異。空憐  
竹樹新。北郊逢大祀。西署戒嚴禋。風月觀清夜。琴  
書度吉辰。六龍雖足惜。單鳳復誰珍。應制功無辨。  
題橋業已臻。揚雄嗟滯漢。范蠡竟辭秦。滄海有時  
變。青雲弗可論。五侯名久廢。四配學常親。銅雀生  
荒草。柏梁起積塵。種瓜推逸士。賣卜得佳人。不見  
商山節。超然莫可論。

日。擣衣吟。終未。史。遺。表。林。林。竹。同。心。不。見。

爽氣入長安。天清玉露團。關山遊子去。風月夜闌。  
寒。曲房晨練畢。高閣暮砧殘。雲間聽斷續。庭外悵。  
盤桓。一染相思淚。遙寄塞上觀。

水西山人歌

宣州名勝有涇川。一曲水西在眼前。兩岸青山霄。  
漢上。三洲綠樹畫圖邊。鶴浦猿林爭秀麗。荷花蘭。  
葉更芬妍。春秋巖嶂渾難述。陰晴景色豈能宣。高。  
人築室對雙闕。蘿徑霞岑興隨發。芳辰袖拂湖山。  
雲。清秋棹泛鏡臺月。太白題詩今宛然。蒼茫懷古。  
吳天濶。惟歎煙波日夜深。無令江皋綠芳歇。適意。

涇川王氏詩輯

卷一

十二

漁樵何所營。萬端罷辱不能驚。五侯貴門跡不到。  
數畝溪田身可耕。石泉草室恆隱處。彈碁飲酒樂。  
平生。豪吟游目綵雲裏。手把芙蓉朝玉京。愧予遷。  
謫赤城隩。寤寐常在水西澳。百年世事感悠悠。十。  
載聲名歎碌碌。作郡風流期有稱。羨公弧矢門多。  
福。載筆高歌寄此篇。真心歲晚擬松竹。

龍溪草堂歌贈王龍溪

山水由來說會稽。卧龍岡上最堪棲。生賢吐瑞世。  
方重。明德含章今可題。龍溪山人蘊洪寶。陽明先。  
生授。受蚤定性久。輕名利途忘。機尚慕邱園道。藏。

修志氣冠青雲。歷宦兩都海內聞。修身行誼最高。  
潔教人講業何殷勤。夢寐羲皇千古遊。道風披拂。  
莫能儔神映。丰標日月秀。言吐文章江海流。上書。  
還越結茅屋。到處山川憑寓目。去年沉李共遊觀。  
天台雁蕩相追逐。愧余聯珮仕金門。遷謫海邦集。  
此園十載蹉跎不自料。一官蹭蹬與誰言。遠別多。  
增山斗慕同心。每感金蘭顧孔孟。微言欲共尋周。  
程芳轍。推君步。歎聚遊陪意未伸。離筵別調更傷。  
神爲歌。潛隱眞君子。還遇風雲見大人。

太平隄行

涇川王氏詩輯

卷一

十三

吏部皇甫百泉昔爲水部郎官時仲兄少  
元與蔡子白石並處法曹數過省晤太平  
岡上水山風景稔見而欲觀也今二君先  
後別去矣偶過悽感作太平隄行陵陽王  
子其情同也從而和焉

金陵佳勝日攀躋。城傍三臺茂樹齊。紫氣常屯鍾  
阜北。清流遍繞禁湖西。皇蔡移官向法曹。蓮花岡  
上日遊翔。含芳直邁芝蘭質。麗藻頻傾江海濤。越  
往燕。征事異。昨高踪。遺跡動寥廓。白下春光空爛  
熳。吳中才子尙飄泊。東西南北不堪論。禮樂文章

賴獨存。賈誼徒。蒙宣室。召相如。仍守茂陵原。雁行  
鳳侶久離居。柳拂鶯啼有所思。永巷希看駐馬處。  
孤吟暗憶直霄時。吏部才名世並欽。懷人念舊百  
年心。太平隄外經行日。一曲高歌感歎深。

栢峯畫圖歌爲范栢峯賦

濟南山水天下聞。高人卜築挹清芬。早棲石室觀  
圖錄。閒對雲巖校典墳。寒月添輝照古栢。霜皮黛  
色幾千尺。休光徧萃玉堂人。瑞氣還鍾金馬客。此  
栢垂陰映古峯。流膏楨幹引仙蹤。百道靈泉玉女  
灌。三山甘露嶽神通。攀登坐見東南小。峻絕應看

涇川王氏詩輯

卷一

十四

齊魯宗。福地詎言秦。帝幸台階尙。待漢皇封。

駕出

通曉禁門開。僊空采仗來。雲霄連虎節。冠蓋仰蓬  
萊。瑞雪浮神國。祥風繞御臺。秉精周八極。明德入  
三台。

大祀

雲鎖南壇迥。帝臨北斗懸。禮行高漢典。樂奏舞韶  
絃。薦酒元神鑿。陳文敬德宣。黃鐘闋泰律。蒼玉格  
鈞天。

天壽山行宮

宣室空虛。琳瑯散。安。刻。氣。風。行。

天旆三春發。離宮四月開。觀河懷禹跡。問野見周才。日氣生高嶺。雲陰拂翠臺。太平叨扈從。文雅愧鄉枚。

沙河迎駕

萬輿鳴地軸。列將應星文。碣石來佳氣。沙河望紫雲。週迴聯壯騎。從侍聚清羣。日落瑤池夕。虹飛繞聖君。

早發涇邑至南陵

匆匆行遠道。夙駕自涇城。晴日征車拂。秋光使節明。山川遊子意。風物故鄉情。於邑難爲別。含思水

涇川王氏詩輯

卷一

十五

月盈

渡江宿和州

泛棹征思浩。登城野望遙。天連采石渚。雲落烏江潮。湖人事成千古。高情屬九霄。瑤花飛碧樹。風月夜蕭蕭。

遊千佛山

細雨飛塵卷。清風宿霧收。登山尋勝跡。覽水俯前洲。樹色陰如晦。鳥聲夏似秋。徘徊殊未已。今古紀丹邱。

東唐荆川太史

拂衣辭帝邱。泛棹下南洲。本戀青雲志。頻尋丹水遊。風雲僊客侶。霄漢侍臣舟。春興瑤臺曲。忘機問海鷗。

園樓夜讌別朱少海。萬山巖古綠。淮北三河水。江東萬里雲。論心諧宿願。酌酒慰離羣。倚馬相如賦。登樓王粲文。留歡忘夜半。星月落紛紛。

水雲送友

池塘草謝紅亭碧。露生白吳山。同遊子燕臺送歸客。未歡菊花酒。還賞桂樹月。斯須幸留連。別後難

涇川王氏詩輯

卷一

十六

今夕

宴皇甫百泉宅同蔡子木行人

冰雪憐君操。風塵倦客衣。情真留宴會。興逸見琴揮。露下秋臺寂。星同夜漏希。不知言辭返。車馬戀餘暉。

自徽泛舟之淳安二首

流落客心殘。驅馳笑此官。萬山從古歛。一水下淳

安。時鳥多灘鴻。名花長蕙蘭。扁舟行未已。闕海尚

漫漫。

鶯花夏景深。越地喜相尋。巖谷宜題字。溪泉似鼓



琴山人傳勝跡。漁客發清音。賴識蓬萊趣。稍寬羈旅心。

寄謝南岡曹郡侯

往來征路頻。分袂宛陵津。問俗論新政。揮毫贈故人。高情憐聚散。明詔惜沉淪。望極青山暮。南湖芳草新。

雪後渡江東遊湖諸君

蓬島遂同觀。湖風起暮寒。離筵情不盡。別調意無端。綠水堅冰至。青山白雪殘。長江流日夜。玉樹寄交歡。

涇川王氏詩輯

卷一

十七

九月十日同考功薛方山司勳皇甫百泉比

部蔡白石晚集東園二首

幽興寄邱樊。清尊對此園。攀蘿尋石徑。杖策問花源。池上荷初謝。籬中菊尙繁。欲知文藻盛。南斗見台垣。

日數東園會。莫如今夕緣。池光斜映日。樹色澹含煙。芳草清簪佩。淒風韻管絃。看君談詠處。百鳥集花前。

送蔡白石北上

去矣承新命。依然想舊班。鳳留南斗重。鴻寄北風

誰攀。戴落羽。慙成夢。遷鶯定。召還長。淮春正茂。花柳待。

贈鄭少野僉憲湖南。氣之冬感。韓山雨浦來。

位列霜臺使。聲同粉署郎。觀風江鳥靜。泛棹岸花香。夢到三湘遠。書傳五嶺長。澄清歸雅德。之子渡湖陽。

谷。九日渡淮陽。

江北風流古。淮南景色秋。天高兼葉落。雲澹帶河流。令節懷園菊。新寒理客裘。由來王事急。夙夜戒行舟。

涇川王氏詩輯 卷一

十八

琴溪金雞石

琴川開玉洞。怪石擬金雞。蓬徑何人賞。高賢有勝題。雲巖懸雪瀑。晴壑吐虹霓。應結丹霞侶。還從盤谷棲。

和陳梧岡風月臺觀梅詩韻二首 有序

嘉靖壬寅癸卯之際。廷幹同維揚梧岡陳公。宦於台州。相與甚歡。至甲辰。陳公移守南安。今叅粵藩。甲辰之冬。廷幹自兩浙來。守南安。踵陳公之後。蓋異數也。遍覽遺蹟。悵焉興懷。暇日登吟。風弄月臺。次韻二首。

郡閣隱嵯峨。蕭疎長薜蘿。寒花憐早發。淑氣藉春  
多。調鼎資金闕。尋香散玉珂。忻逢梅國勝。來和郢  
中歌。

四序逢冬暮。飄花眾訝遲。爲明寒歲節。却占早春  
時。白雪凝書幌。清香泛酒卮。留棠多惠政。懷舊念  
如絲。

長至齋居諸省丈夜晤

南暑修齋候。同寅對晤情。草堂來月色。竹館聽風  
聲。倚玉寒輝潔。焚香永夜清。澄心冥會處。假寐待  
雞鳴。

涇川王氏詩輯

卷一

十九

答友人招讌虎邱山

鳳宇祥光合。虎邱霽色清。法輪依日轉。寶塔傍雲  
行。地覽三吳秀。讌承二妙情。從君尋大隱。此處是  
蓬瀛。

贈少叅王一江憤麓書院新成

僊蹤頻眺覽。勝境狎幽棲。雲物臨池澹。藤蘿入逕  
迷。秋風驚木落。夕月聽蟬啼。願學泉中釣。還留石  
上題。

辛丑夏過新昌侍御呂沃洲邀遊南明山

登臨晴景靄。遊豫夕陽沉。疊嶂流泉滿。高花映竹

深月巖秋色。麗雲洞夏寒。侵一共琴尊。賞惟餘蘭桂心。  
松亭臨絕磴。蘭榭俯迴溪。城繞千門近。峯圍萬嶺低。  
問僧尋徑遠。聽鳥出林迷。不盡山川興。還留歲月題。  
惠河水館送郭一泉使關中兼柬子韶易水  
風生清夏暑。木落遞秋陰。一涉關山遠。還臨隴水深。  
遺碑秦篆古。堅壁漢宮沉。送別情何極。遙聞鳳鳥音。

過錢海石夜讌

涇川王氏詩輯

卷一

二十

清夜一尊開。涼風四座來。浮雲連北極。明月照高臺。  
古樹浮青葉。小山長綠苔。感時陶令興。懷古宋生哀。  
銀漢秋光動。金門寒漏催。南天孤雁去。遊子幾時回。

答皇甫子安早春寓目之作兼柬子循

韶華開泰運。曙色蕩春妍。氣應山中鳥。風驚水上泉。  
園花浮曉翠。禁柳藹晴煙。物意雖云樂。客思不可宣。  
從君揮麗藻。持此度芳年。千門萬戶。萬壽無疆。  
因濬河舟阻清源踰月同王龍溪陳宅平蔡

白石宴王氏園亭

樓船停北渚。河水限南歸。齊地聊尋勝。王人久住。  
騑。鶯啼春色晚。圃繞夏花馡。愛竹攀山徑。瞻雲陟。  
翠微。一溪沉酒酌。雙鶴助琴揮。滄海期征鷁。青山。  
戀采薇。興闌留日暮。歸路惜芳菲。

別白石蔡子限千字韻

交情憐歲暮。離緒指江干。雲入瀟湘濶。風還易水。  
寒。宵明星度隱。冬盡雁行單。欲以琴銷恨。暫將酒。  
助歡。青陽蘭未茂。白雪桂應殘。半月飛黃鶴。三春。  
仰紫鸞。采風留楚國。對月望長安。仰慰煙花賞。祇。  
憑山水彈。送行雖有贈。惜別竟無端。

涇川王氏詩輯

卷一

送蔡可泉謫廣德

君子辭金殿。仙郎下玉京。春風孤騎繞。曉日百花。  
明。別緒將琴見。離心向酒傾。升沉原自定。聚散豈。  
無情。州伯承新命。郎官憶舊程。登臨憑勝跡。佐理。  
允垂名。卽擬風雲合。還逢雨露清。惟嘗修雁字。慎。  
勿聽猿聲。用贈長沙傳。何須弔屈平。

九月十一日後湖寓直答司勳皇甫百泉見

贈湖詩兼呈同事諸君三首

高皇方息戰。於此濬澄湖。日月光元覽。乾坤照睿。  
謨。萬年修禹貢。九譯獻周圖。版籍封疆遠。絲綸詔。

命。敷。分。方。誰。後。至。奏。計。競。先。驅。戶。口。竄。前。代。風。煙。  
入。舊。都。上。林。芝。草。滿。禁。院。貝。花。殊。秋。興。感。黃。菊。羈。  
懷。詠。綠。蕪。水。寒。天。映。澹。木。落。雁。飛。孤。渡。靜。星。文。徹。  
南。中。麗。景。無。按此詩明詩綜截作五律然終不  
如原本之典麗也故仍存原作

槎。泛。三。秋。日。洲。橫。兩。岸。煙。臺。觀。鳴。鳳。處。池。想。躍。龍。  
邊。法。駕。營。豐。芑。河。神。祀。洛。川。館。隣。金。闕。後。渠。繞。御。  
溝。前。晉。苑。唐。朝。改。秦。圖。漢。室。先。山。從。雲。裏。見。水。即。  
鏡。中。旋。青。瓊。承。符。重。紫。薇。寓。直。聯。荷。花。殘。羽。扇。桂。  
葉。入。書。編。舊。典。貽。千。代。新。洲。紀。十。年。東。南。今。草。奏。  
首。曰。重。民。天。

涇川王氏詩輯

卷一

二二

帝。里。天。生。水。王。居。石。作。城。星。辰。朝。北。極。圖。籍。重。西。  
京。雄。覽。山。河。列。素。華。院。宇。清。書。疑。芸。閣。校。直。比。鳳。  
樓。榮。鳥。憶。當。歌。集。魚。如。望。幸。迎。亭。花。含。霧。色。朝。露。  
帶。泉。聲。淮。畔。黃。雲。聚。鍾。陵。紫。氣。盈。北。窻。人。五。夜。南。  
斗。月。三。更。靈。液。沾。恩。渥。孤。松。比。節。貞。閒。將。民。數。畧。  
對。草。謁。承。明。此對前賦賦嘉慶御風觀斷思觀前  
南。中。贈。孔。文。谷。學。憲。此典賦也賦於林風於  
道。脉。承。先。聖。親。枝。重。帝。宮。名。高。三。殿。上。望。滿。五。雲。  
中。闕。右。儒。生。化。頰。川。節。制。雄。育。才。端。士。習。敷。教。贊。  
天。工。吳。越。聲。先。著。台。甌。學。更。崇。文。章。程。體。範。禮。樂。

盡陶融。雁水知迎節。霞山解避驄。詩書歸魯國。將  
相出王通。桃李依師表。絃歌詠國風。瀛洲聞講習。  
仰止意無窮。  
題趙中丞雪屏詩  
紫綬名方盛。蒼山勝始傳。圖書窮秘絕。遠服阻攀  
緣。巖接龍闕起。途由鳥道旋。三春常帶雪。十里暗  
聞泉。霧靄中峯繞。晴陰衆壑聯。碧溪多異草。丹洞  
發孤煙。松竹偏宜夏。林蘿不計年。地符留石篆。南  
服有碑鐫。簪冕青雲外。琴尊落日邊。還將屏障色。  
賞入白門前。

涇川王氏詩輯

卷一

二三

遊東林圓通二寺雨霽望廬山

名州方息駕。勝境首叅禪。路轉千峯合。山圍萬壑  
連。遠觀廬阜月。縱覽虎溪泉。東晉風流舊。南宮梵  
宇傳。羣公名昔紀。三笑畫今懸。鷲嶺人天接。龍宮  
世界遷。雲華侵几席。草色入齋筵。霧靄黃金地。霞  
蒸白玉田。亭想淵明菊。湖栽茂叔蓮。峯巒凝錦繡。  
禽鳥聽歌絃。荒野薜蘿徑。孤林桑柘煙。淨心期証  
果。幽思欲超元。羈客親民日。王孫守郡年。蕭條歎  
下邑。曠達憶前賢。誰識簿書吏。每耽山水緣。

同縣尹陳我山泛舟巖潭

輕舟尋勝覽。夏日此遨遊。共識青雲上。尤憐芳草洲。飄飄仙客侶。泛泛野人舟。煙樹披雙鳥。風光遶四邱。高巖丹氣積。寒洞碧波流。棹發疑峯轉。颿飛在鏡浮。興迷蘭桂渚。思入鳳凰樓。佳宴含山竹。清歌落水鷗。誓將息世慮。當與白雲求。

立春

東郊上苑迎佳節。嚴蹕仙輿度翠微。烏鵲橋邊多氣色。鳳凰臺下憶芳菲。風前柳葉將舒葢。雪裏梅花故落衣。共慶皇恩承律轉。還逢聖壽比春暉。

德府觀泉

涇川王氏詩輯

卷一

二四

瑤池蕩漾紫亭開。石室參差錦水來。疊嶂千層浮岱嶽。繁花兩岸擬蓬萊。樓船疑向雲中泛。簫鼓紛從天上迴。翫賞翻深魚藻興。遊觀不羨鳳凰臺。

和皇甫百泉贈別

吳山高掌百花开。知己逢君醉幾回。金闕樓前分佩去。木蘭舟上泛江來。仙郎久擅長沙望。遊子還瞻鄴下才。復此滄洲牽別緒。白雲芳草對僊台。

遊天台山懋國清寺

縱覽天台仙路遙。青松翠竹映岩峩。千林樹色桃源勝。百道泉聲谷口飄。問俗山中歌舜代。看碑寺



裏紀隋朝積懷今喜消塵跡。乘興還須度石橋。  
思歸一首  
山溪映媚是吾家。蓬轉東西未及瓜。八載郎官淹  
下位。三冬遷客去京華。旅情海上隨歸雁。愁思天  
邊見落花。泛棹還須尋赤壁。爲文不敢恨長沙。  
八句和范栢峯陸辭同志詩  
萬國賢良正拱宸。獨經流落阻風塵。乾坤浩蕩難  
留跡。江海飄零且立身。抱玉三年來獻楚。懷書十  
載却辭秦。冰霜歲暗鄉心切。一曲陽關答故人。

贈天台玉處士宗元

涇川王氏詩輯

卷一

二五

久客風塵意澹如。聞君清節訪芴居。種瓜賣卜身  
無累。飲水樵山樂有餘。十載草元明理數。三春下  
榻伴簪裾。逸民詎敢傲周代。高士還應紀漢書。

行至嶺店望雁蕩感懷

久向天涯勤夢想。誰知咫尺阻攀躋。遙瞻瀑布神  
猶爽。乍說靈巖意轉迷。雲雨人情隨上下。風塵客  
子倦東西。徒將不盡山川興。留待他年姓氏題。

台州有懷維興仲弟時弟在南雍

幾載棲遲在越中。郡齋庭樹感秋風。青山望斷金  
陵北。滄海情搖赤壁東。觀雁聯翩斜日照。聞猿淒

楚暮雲空。長江鍾阜瞻能盡。遷客離人意不窮。

陳梧桐初至台州

鳳符龍札自王京。寶馬金魚到赤城。淮北風流勞  
夢想。甌東人物候清平。石梁千丈憑留跡。華頂三  
冬永紀名。謫吏有緣留海郡。在公夙夜喜同盟。

留都遇皇甫百泉蔡白石感舊

京國九秋爽氣沉。天涯三友叙同心。合歡近指東  
園樹。比翼真憐北海禽。重數飄零多歲月。相看遷  
拜舊衣簪。鳳凰臺下明燈語。還憶金閨聽漏音。

東浦答白石見贈

涇川王氏詩輯

卷一

二六

東浙移官向石城。與君笑數謫遊情。鏡中愁鬢逢  
秋色。江上操心對月明。共道司刑三省重。還看作  
賦兩都成。念機莫問升沉理。休假同稱吏隱名。  
京國初入西曹訪白石。蔡子同皇甫吏部。施比部

留讌

江城細雨綠蘿滋。桂樹臺中再晤時。遙望紫雲連  
北極。共看烏鵲繞南枝。風流文藻傳三署。日見聲  
華動百司。王粲歸來慙舊業。蔡邕仍屬賦新詩。

贈方山吏部

省寮清暇結同遊。爲感芳林玉樹秋。聲譽應隨南

斗遠風神眞。共彩雲流漫。驚蘭菊開三徑。直擬煙霞到十洲。共羨西京韓吏部。偏題佳翰問羈愁。

湖上思先祖詩

余先祖名達在憲廟時。厯戶曹專司後湖。最。有。聲。稱。今。榜。禁。湖。上。實。其。奏。請。遣。事。後。東。西。傳。是。舊。臣。裁。民。署。王。孫。步。武。來。古。栢。已。聞。前。封。章。傳。是。舊。臣。裁。民。署。王。孫。步。武。來。古。栢。已。聞。前。代。植。甘。棠。猶。向。此。時。開。起。看。夜。月。寒。蟬。集。泣。向。秋。風。旅。雁。哀。不。見。門。前。湖。上。水。年。年。新。雨。長。青。苔。

湖上卽事

涇川王氏詩輯

卷一

二七

湖。上。乘。槎。一。水。東。兼。葭。洲。渚。映。王。宮。荷。香。帶。日。浮。仙。仗。露。氣。流。雲。裏。古。栢。煙。色。遙。看。三。島。外。秋。聲。近。落。百。花。中。忻。遊。昭。代。圖。書。地。詎。識。前。朝。歌。舞。風。

湖上曉行

東。西。聯。對。斜。含。日。南。北。泉。流。半。繞。城。五。夜。遙。聞。寒。漏。徹。千。巖。漸。見。曙。光。明。黃。金。闕。下。祥。煙。合。白。鷺。洲。邊。蔓。草。繁。却。笑。余。非。文。學。吏。朝。朝。開。館。引。諸。生。

和理山皇甫進士經海印廢寺之作

蕭。條。古。寺。御。溝。濱。才。子。叅。禪。訪。昔。聞。明。鏡。閣。前。空。逝。水。誦。經。臺。上。獨。飛。雲。丹。青。舊。壁。難。看。畫。苔。蘚。荒。

碑○豈○辨○文○惟○見○北○林○猿○鶴○在○尙○棲○枝○下○泣○離○羣○

湖上卧疾懷蔡比部

閑○居○湖○上○絕○逢○迎○一○覽○圖○書○自○省○營○多○病○祇○堪○尋○  
藥○籙○直○霄○誰○與○賞○蓬○瀛○心○清○欲○謝○區○中○術○年○少○空○  
慙○鄰○下○名○爲○愛○子○雲○耽○寂○寞○閉○門○今○早○太○元○成○

湖上寄贈侯二谷比部

刑○錢○分○署○帝○城○隈○傾○蓋○追○歡○旅○緒○開○久○識○文○星○連○  
北○斗○今○看○寒○月○近○西○臺○宮○花○湖○草○爭○題○品○水○閣○山○  
樓○候○往○廻○雁○蕩○君○家○名○勝○地○應○知○總○入○馬○卿○才○

過毘陵贈唐荆川

涇川王氏詩輯

卷一

二八

幾○年○禁○掖○繇○綸○客○暫○與○東○山○蘿○薜○親○漫○擬○翰○詞○輕○  
沈○宋○共○言○理○學○步○闕○閭○隴○中○高○卧○龍○方○重○洛○下○清○  
談○玉○並○珍○更○識○餘○風○流○里○閑○儒○生○仰○德○自○爲○隣○

裕菴詠東園之勝余以花鳥忘秋之意用和

來韻

爲○愛○名○園○萬○種○花○探○奇○來○過○五○侯○家○鳳○凰○臺○下○娛○  
晴○日○鸚○鵡○杯○中○泛○紫○霞○能○以○幽○心○耽○水○竹○還○開○平○  
圃○理○桑○麻○閒○觀○魚○鳥○飛○沉○意○豈○識○秋○風○繞○樹○斜○

春日出京酬諸寮贈言餞別二首

郎○曹○棲○薄○愧○無○聞○霄○漢○招○攜○賴○有○君○鷺○渚○琴○書○多○

逸○起○鳳○臺○尊○酒○念○離○羣○忍○堪○梅○柳○三○春○別○愁○指○煙  
霞○一○水○分○廬○阜○雲○山○登○望○處○篋○中○長○展○馬○卿○文  
儒○生○載○筆○被○恩○光○漢○苑○風○流○借○末○行○十○載○爲○卽○依  
禁○闕○一○官○出○守○指○江○鄉○闕○山○去○路○王○程○遠○冠○蓋○分  
襟○德○意○長○祇○有○私○心○懷○建○業○敢○云○下○郡○薄○淮○陽  
程○平○岡○林○肖○約○邀○遊○海○天○寺  
凝○煙○壘○翠○望○江○洲○繞○郭○頻○觀○愜○勝○遊○兩○岸○總○爲○花  
樹○徑○萬○峯○通○入○海○天○樓○廬○山○秀○色○連○雲○澹○溢○浦○清  
風○傍○座○幽○佳○節○更○同○仙○客○賞○人○間○此○地○是○丹○邱

涇川王氏詩輯

卷一

二九

涇川王氏詩輯

吳○下○詩○才○慰○昔○聞○高○人○丰○度○若○流○雲○九○江○郡○裏○慙  
爲○主○五○老○峯○前○始○遇○君○山○水○還○憑○翰○墨○勝○風○煙○不  
以○古○今○分○誰○將○廬○阜○尋○遊○遍○應○識○青○霄○鸞○鳳○羣  
繁○雲○飛○雪○遍○江○城○積○素○凝○華○協○氣○盈○流○霞○舞○風○恒  
有○象○寒○花○落○地○忽○無○聲○曉○看○竒○覲○來○廬○岳○景○入○祥  
光○映○太○清○誰○識○守○臣○勤○恤○願○感○時○翹○首○詠○昇○平

德安送試

路○枕○長○溪○一○水○流○觀○風○還○識○古○江○州○封○疆○更○比○邾  
城○小○征○役○何○堪○楚○國○稠○樹○色○遙○連○官○舍○晚○蟬○聲○似

報○客○衣○秋○秉○文○幸○有○絃○歌○化○景○物○熙○明○樂○共○遊○

遊天池觀藏經

竹○林○精○舍○倚○江○州○一○覽○天○池○愜○勝○遊○石○上○寒○泉○今○  
似○昔○山○中○茂○樹○夏○先○秋○蓮○華○法○藏○心○同○寂○貝○葉○經○  
文○手○自○脩○羈○客○頻○年○嬰○世○網○攀○躋○爲○借○白○雲○留○

己酉遊湖口石鐘山

化○工○靈○秀○識○竒○蹤○彭○蠡○名○山○眺○石○鐘○地○逼○潭○中○形○  
峻○拔○波○流○磯○上○韻○春○容○雄○闔○正○合○江○湖○口○要○地○還○  
分○吳○楚○封○最○是○秋○風○乘○月○處○宮○商○餘○響○入○雲○峯○

贈大司成東廓鄒公講學水西二首

涇川王氏詩輯

卷一

三十一

真○儒○設○教○重○江○東○絃○誦○依○然○闕○里○風○莫○以○詞○章○忘○  
本○體○惟○從○性○命○察○神○功○將○迎○不○染○安○其○止○戒○懼○常○  
存○未○發○中○更○闡○良○知○歸○易○簡○聖○人○視○聽○我○心○同○  
斯○道○宗○盟○不○易○逢○又○從○西○水○挹○高○風○求○仁○獨○契○宣○  
尼○教○養○氣○先○傳○亞○聖○功○千○古○微○言○開○示○外○百○年○俗○  
學○覺○醒○中○載○談○舜○跖○幾○希○處○多○士○忻○然○感○興○同○

題南陵汪蒲山涵秀樓

蒲○山○路○入○宛○陵○東○陽○曜○陰○藏○地○勢○雄○蘿○薜○繁○華○兼○  
勝○跡○衣○冠○隱○逸○出○竒○功○倚○窗○雲○靄○生○衣○上○臨○樹○溪○  
泉○映○鏡○中○千○里○岡○巒○登○覽○處○感○時○載○筆○愧○名○公○

贈李及泉郡守兼謝訪山居

三冬攀軾瞻方岳。十載乘驄重憲臣。花滿山城傳  
惠政。月明蓬草訪情人。琴書會晤心眞洽。冠蓋趨  
陪德可親。洛下風流高誼在。諸侯獨問馬卿貧。  
余自嘉靖癸巳以行人捧詔江南至齊雲山

今二十年矣重過賦之

開闢神功帝子祠。遊人再歷更興思。山川秀麗瞻  
今日。亭閣參差勝昔時。翠蓋霓旌雲外杳。青峯煙  
洞雨中奇。瀛洲羽客深棲處。願得齋明一問師。

酬邱東園月夜見訪琴溪草堂

涇川王氏詩輯

卷一

三一

玉露飄風秋氣清。夜深殘月在西楹。疎星自照琴  
書影。寒館猶懸砧杵鳴。良牧懷人來遠道。終宵叙  
舊更含情。坐移載筆題高詠。靜院還多落葉聲。

雨宿琴溪草堂

節屆深秋爽氣清。連宵細雨到簷楹。風飄叢桂香  
還散。露挹寒蟬遠自鳴。山縣川峯堪畫記。草堂花  
鳥入詩情。釣臺遺跡今仍在。誰和仙公曲裏聲。

長兒文炯應試陪京余在琴溪寄詩勉之兼

示文燁文燿用原韻

小築琴溪景物清。業書萬卷聚堂楹。風生碧澗觀

魚躍。煙合青山聽鹿鳴。簪紱久耽山水趣。江湖眞繫廟廊情。凌霄意氣三秋奮。名世文章百代聲。

辛亥秋宿琴溪草堂用原韻

雨後空濛天氣清。澹煙翠靄接庭楹。園中修竹迎風亂。雲外歸鴻向日鳴。潭影巖花成勝賞。漁歌牧笛助幽情。草堂枉賁殊增秀。秋夜還聽白雪聲。

爲大宗伯毅齋孫公題月明千里故人來卷

月當銀漢照高臺。形象分明拱上台。爲客正逢飛雁去。懷人更喜抱琴來。長途念舊關山遠。清夜論文蘭桂陪。莫擬剡溪情未盡。還看郢曲和難裁。

涇川王氏詩輯

卷一

三二

送皇甫百泉憲僉滇南

君昔忤權待詔恩。獨余慷慨待朝門。君昔忤郭定朝門力。風塵世網眞多險。文藻交情誰共言。鍾阜爲救辨。久違頻遠夢。武林再晤叙清尊。滇南分憲今承寵。惆悵心知意更繁。

陪郡侯羅近溪景德寺講經

欲向寰中尋化國。遂從方外覓西天。簷前奏樂光生座。竹下焚香瑞起煙。眞是幻空尋六一。還看世界轉三千。譚經不畏義輪暮。自有明燈照法筵。

答伴娘

按賞谿詩話公年十六登第未娶蕭宗命撤殿上金蓮炬賜歸畢姻初婚



之夕公手執一卷把玩不釋蓋欲點易已  
稿付梓也丙夜伴娘催日漏三鼓矣公因  
賦詩  
答之

童年登第疏完姻。紫誥鸞銜下紫宸。珍重燈前成  
博議。東萊不學畫眉人。

和蔡白石洪都見懷之作

西京十載滯中郎。趨闕同沾侍御香。銅綬由來聯  
楚。水雁書應不斷衡陽。

王廷傑 廷幹弟國學生仕州判

詠秀嶺石源

飛泉徹底清。江左擅佳名。我亦頻遊息。長歌欲濯

涇川王氏詩輯

卷一

三三

纓。

王 鑑 字子明東隅人嘉靖癸巳選拔仕河間  
通判

王活潑灘

容與藍岑上。隨尋活潑來。稍烹鍊丹水。坐酌放歌  
臺。狂士今亡矣。仙翁安在哉。登高徒自賦。興盡有  
餘哀。

王有執 字仲容星潭人嘉靖癸卯歲貢仕鰲山  
衛教授

夏日晚興

小閣炎蒸日。橫風不住天。茶炊花徑石。樹噪夕陽  
蟬。何事磨龍尾。將詩對鳳仙。枕高閒卧處。看月滿

窻前。

王秉政

字以德檀嶺人邑廩生舉孝有名

客中憶亡母

寸草慈暉恨未休。天涯孤影幾淹留。征衫一領風塵做。縫紉曾經阿母愁。

春日卽事贈堂弟秉康

聯床風雨話偏長。細校蟲魚組七襄。轉盼離筵鶯語溼。春留不住我行忙。余于四月將有遠行

王廷極

字維建號藍岑東閩人著有涇上編

巖隴洞

涇川王氏詩輯

卷一

三四

落花流水路初通。共繫孤舟到峽中。草徑尙餘二仲跡。竹林重有七賢風。雲飛半榻春山曉。雨洗諸天古洞空。細詠碧雞篇。自別同遊今盡在崆峒。

王達亨

字孚尹厚岸人隱居不仕景泰三年歲大稔輸粟千石載府縣志懿行傳

自寓

似釣非釣不耕而耕水耶山耶娛吾之生

田家卽事

春雨一犁春水綠。菜花開盡黃雲續。牧童驅犢來青郊。短笛聲聲蠶正浴。

王滋德

字樹齋丁潭人仕沔陽州知州

觀奕

世局如棋局。消閒對石枰。出奇探虎穴。守正護龍城。  
劫幾通盤算。先由一着爭。休嗚觀未倦。柯爛實為情。

綠樹山庄卽事

綠樹環村合。爰名綠樹庄。春風啼好鳥。夏雨送新涼。  
翠色連修竹。紅光淡夕陽。堆牀書萬卷。靜坐慮俱忘。

涇川王氏詩輯

卷一



*[Faint vertical text on the left side of the page, likely bleed-through or secondary text.]*

涇川王氏詩輯卷二

空谷笙歌嶽壑至靈靈丁潭鑿辛園校輯

觀前思勳銘齋

厚岸廷琛昭亭

正谷大隴六合小嶺一前岸應麒幹臣

嶺嶺鳴鸞渭川四葉

王廷考字思道號震陽孤峯人少補諸生不應

試與羅近溪查毅齋諸公講明理學年

著八十四無疾而逝

按公有真機詩云去擾翻成擾知虛便

不虛題於水西壁間龍溪先生見而奇

之及相見論辨月之朔望晦輒笑曰天

下也有人公究心理學故為詩多明

涇川王氏詩輯卷二

神氣

氤氳者氣靈明者神兮寂然氣兮流行神以主  
氣氣以凝神神氣相依陰陽互根符合四象攢簇  
五行大彌六合小涵一身混沌沌杳杳冥冥求  
之有道遇之有因

谷神

空谷至虛傳聲至靈靈涵于虛虛涵于靈靈元虛  
牝為谷為神惟斯闔闢造化自生順則生凡逆則

生聖。河圖之主。洛書之根。濂溪太極。一實萬分。

傘吟

其○圓○如○天○其○黑○如○雲○捍○日○之○暄○蔽○雨○之○淋○利○出○利○  
入○時○藏○時○行○把○柄○在○手○闔○闔○從○心○或○自○已○持○或○令○  
人○擎○用○加○頭○地○爲○器○獨○尊○

藜杖銘

大塊○罷○汝○奉○我○老○逸○扶○顛○持○危○利○用○出○入○步○月○陪○  
風○尋○泉○訪○石○攜○汝○扶○汝○汝○勁○汝○力○無○有○遠○近○險○夷○  
無○所○徃○而○不○得○

紙窻吟二首

涇川王氏詩輯

卷二

外○光○藉○此○透○內○障○由○此○成○何○如○都○打○破○內○外○通○光○

明○

白○月○紙○窻○白○黑○月○紙○窻○黑○黑○白○有○去○來○紙○窻○無○變○

易○

作染吟

白○似○雪○紅○似○血○黑○似○烏○翎○綠○似○芭○蕉○葉○更○羨○中○黃○  
真○天○地○之○正○色○造○化○在○吾○手○盈○宇○宙○間○衣○冠○文○物○  
總○是○吾○家○手○澤○些○兒○元○妙○訣○珍○重○莫○輕○說○

春日醉遊

醉○值○春○初○暖○遊○當○日○正○熙○任○行○之○字○路○漫○唱○竹○枝○

辭未解誰爲我。奚知我是誰。思爲都不着。物物自皇羲。

蕭拙齋來詩讚余詩稿因用韻和之

誰識騷壇有正途。正途未諳總成孤。但從世法非

男子。直寫真諦是丈夫。句好每因無意得。機通若

或有神扶。此中果解鳶魚趣。無事窻前更拈鬚。

騷壇隨處落泥塗。似此清音亦不孤。今日始知

王叔子前身。莫卽邵堯夫。一詩安自性衷出。千

首無須酒力扶。我欲追風渾不易。倚窻拈斷數

涇川王氏詩輯

卷二

根鬚

王爲毅齋專事堪輿

村酒攜來且共傾。莫因荷鍾病劉伶。青山是處堪

埋骨。白首何人能了心。身未生時安有我。形於亡

後悉歸真。獨憐奕世貽謀者。塞北空瞻萬里城。

孤山八景

天池古蹟

杳杳晴峯半入天。五雲纏處沸清泉。煉丹人去踵

仍在盤。鼎龍飛水自涓。苔石漫圍還舊砌。榛蕪重

剪是何年。一聲長嘯銀河落。湛湛清光注此淵。

數椽茆屋倚雲居。月色頻看意自殊。天際一丸惟  
咫尺。眼前三界盡虛無。坐斟卮酒清輝滿。起舞藤  
蓑老影踈。倦後枕書眠石榻。夢魂猶自在冰壺。

桃源別境

小溪流向萬山隈。時有桃花逐水來。縈曲趣溪苔  
徑。杳清虛。入眼洞天開。碧蘿烟靜浮空壁。綠樹雲  
橫擁翠臺。撫腹已無塵世念。仙姬莫作阮郎猜。

曲逕花香

縈縈一逕繞山行。花滿山隈處處新。帶日艷容頻

涇川王氏詩輯

卷二

炤眼無風清氣亦薰人。芒鞋翠蹠千紅雨。布袖香  
沾百和春。怪底陶潛辭五斗。杖藜歸去菊萼綦。

橫塘蛙鼓

山樹蕭森竹逕橫。野塘深靜有蛙鳴。聲隨高下還  
從律。調轉冲和豈不平。細吹獨堪和。虬笛長吟剛  
是鬪。螢燈空山靜夜饒。歌館只許山翁自在聽。

石壁流泉

獨循苔徑出空林。山峽鳴泉自賞心。雲疊翠崖開  
數畝。水分中溜注千尋。青霄倒瀉銀河湛。白練斜  
拖山雨深。拄杖石前歌一曲。溪聲隱隱蛩龍吟。

丹崖積翠  
靈窟崢嶸怪石叢東南絕境翠園中羣峯環立春  
無限入洞斜連路轉通虎掌逼空懸佛座馬蹄逢  
石印仙踪年來收拾溪山趣未許閒雲盡日封

西岡霽雪

西岡景色尋常異雪後閒臨望獨饒水繞一溪橫  
玉練山連千里疊銀濤亭亭孤艇滄江側渺渺寒  
驢野逕遙誰似王維懸妙手和吾都入畫圖描

王天爵

字希義水南都人按鄭愿庭涇志雜紀  
載希義清節自厲郡守羅汝芳贈以詩  
云寸心能自得斗室未爲貧憐君劉喪  
後終作太平人遣人持俸贈之又錢緒

涇川王氏詩輯

卷二

五

山長亦有詩贈云希義晚有慕拜我  
水西頭悔愆忽已遠清夜老無力承激  
繼以泣至言渺難酬恐老無力承激  
誠優游爾知今自足靈光獨深幽孩提  
非學慮愛敬自充周勿使物外遷真機  
勿退念庶幾躡前修蓋希義少負氣俠  
後從良知之學人比之周孝侯年七十  
八忽數日不食族人往省與訣曰七日  
後吾行矣屆期諱子死後毋葬我即置  
我洞中裸身而來當裸身而去因臥床  
上清越如平時未幾棺置洞中距置  
燈三尺許忽飛焰燄棺僅  
存白骨一具因傳爲仙去

富貴功名與夢同何如歸隱脫塵中山頭明月燈  
高照洞口清風路遠通細細茶烟驚睡鶴悠悠桃



浪起潛龍。天生石屋。資貧住獨。對梅花伴古松。

王文炯

字美中。號肖巖。巖潭公。長子。官樂陵縣知縣。著有肖巖詩草。

登高臺

鄭相如青虹閣詩。評云。王美中詩。風神奕奕。幾類乃父。箕裘之業。不墜難矣哉。

登高賞春日。晴光紛在矚。山河練如帶。樓閣輝成玉。瑤圃花蕊紅。御池水紋綠。寒變陰山外。和入陽臺曲。風烟踈以卷。禽聲斷還續。低徊蕙蘭巷。棲遲梅柳谷。四時寒暑易。百年壽命促。佳人覽物華。邁駕從所欲。

銅雀臺

涇川王氏詩輯

卷二

六

湖原多勝跡。停車眺鄴城。佳嫵不可見。臺館擅芳聲。綺羅空餘泪。雲樹復含情。何堪三五夜。隴月向人明。

曉發高唐

雞鳴方覺曙。驅車度城郭。曉霧迷高臺。和風披青閣。途曠白雲深。遐矚紛參錯。細雨潤村田。清烟生溪壑。旅客愛春暉。尋芳畏花落。遇可勝賞處。逍遙暫止託。悠悠周道遠。聊此寄行樂。

王過沛邑

結纜問沛邑。懷古思悠哉。豐碭望紫氣。寶鍾帝王

才茫茫四海圖。悠悠兩漢來。勳績何巍巍。誰云自  
草萊。乾坤忽震蕩。皇業久塵埃。少年弦歌士。感激  
生悲哀。山川猶似昔。邱陵喬木摧。當時龍泉劍。奮  
飛散九垓。日暮黃雲起。還繞歌風臺。

春雪懷友

乾元調大化。玉衡歷孟春。共羨三陽轉。卉木藉陶  
鈞。尙爾寒陰積。飛雪盈河津。浮雲蔽西北。塞下起  
黃塵。綿綿動愁思。耿耿憶佳人。山川修且阻。含情  
鬱未伸。援琴發清歌。慷慨難具陳。離懷安可極。萬  
里展殷勤。瓊章不相報。何以慰吾心。

涇川王氏詩輯

卷二

七

里。立。秋。和。陳。如。岡。獨。坐。見。懷。之。作。  
松。架。飄。香。風。桂。巖。鑑。明。月。方。憐。秋。氣。清。彌。畏。夏。草。  
歇。佳。人。在。何。許。宮。雉。東。西。越。悠。悠。對。此。景。耿。耿。懷。  
明。發。吁。嗟。百。年。身。翻。爲。萬。慮。汨。願。言。勤。令。德。須。念。  
歲。華。迫。

趙肖軒恤刑閩中還朝

生機浮法外。頰見帝廷俞。閩海欣欽恤。麟臺藉永  
圖。寒星鳴劍珮。和氣擁車途。獻歲相逢近。譚心應  
慰吾。

春意

肅駕違丹國。登臺見魯城。風塵迷野逕。雲日照孤  
征。草色含春綠。山峯傍午青。傷心千里目。一望濟  
川平。

天書除夕宴

萍客久他鄉。京華薦歲觴。鼓鐘兼夜曲。燈火度星  
光。風入亭南柳。氣回塞北霜。今年難此夕。留宴惜  
瓊芳。

寄黃初陽道人

採藥西山去。修真北海深。還思王子宅。且臥葛仙  
林。寶籙天人秘。玉壺風月臨。丹邱訪羽士。雲漢鬱

涇川王氏詩輯

卷二

八

沉沉。

分水慶梅禹金生子

忽報青雲客。再生明月珠。星辰垂戶牖。冰雪映羅  
襦。神產傳龍種。實筵奏鳳雛。懷君權不極。寄贈代  
珊瑚。

呈大司成定宇趙公

天曹隆令望。宦邸托芳鄰。騏驥騰霄漢。駑駘愧後

塵。才名雄翰苑。柱石聳楓宸。首上綱常疏。幸全竄

逐身。寰區惟慨歎。田野竟沉淪。溫詔旌忠鯁。殊恩

及放臣。蘭臺僚采舊。玉牒纂修新。賚賞頒何厚。絲

綸。寵。實。均。聖。明。資。啟。沃。宵。旰。喜。咨。詢。京。轍。昔。掄。士。  
辟。雍。今。作。人。魚。龍。分。碧。水。桃。李。藹。青。春。海。宇。望。公。  
輔。天。心。眷。國。珍。明。良。調。鳳。律。台。鼎。運。鴻。鈞。治。化。隆。  
昭。代。文。章。振。薦。紳。

命。贈。給。諫。陳。兩。峯。赴。南。都。德。新。人。捷。具。資。

承。恩。辭。北。闕。帶。綬。獨。南。征。紅。日。映。飛。蓋。薄。雲。覆。去。  
旌。春。花。盈。圃。發。夜。月。傍。舟。明。青。瑣。連。丹。地。金。陵。壯。  
帝。城。揮。才。中。禁。動。移。筆。上。台。驚。登。覽。鍾。峯。勝。尋。遊。  
楚。水。清。悠。悠。歷。勝。槩。處。處。是。蓬。瀛。懷。古。六。朝。遠。感。  
時。百。慮。生。一。書。勤。廟。畧。萬。里。信。風。行。旦。夕。察。民。瘼。  
涇。川。王。氏。詩。輯。卷。二。九

激。揚。推。世。英。盡。言。良。吏。體。留。別。古。人。情。相。憶。何。悲。  
戀。青。山。聽。鳳。鳴。

寄。答。陳。銀。臺。如。岡

尺。素。頻。將。慰。寂。寥。羨。君。聲。望。壓。中。朝。濬。河。總。藉。題。  
封。布。校。藝。能。消。士。氣。驕。經。畫。慈。宮。還。翠。輦。遲。回。新。  
命。樹。清。標。夔。龍。已。在。天。池。上。猶。憶。情。人。對。月。宵。

贈。朱。法。曹。鍾。峯

江。州。刺。史。舊。相。知。特。薦。雄。文。達。玉。墀。挾。策。承。恩。紅。  
日。表。典。形。馳。譽。白。雲。司。鍾。陵。野。色。風。初。度。元。武。平。  
湖。月。上。遲。情。繫。古。人。誰。復。似。濂。溪。祠。下。勒。崇。碑。

楚清東王兵曹豐與令尉清嚴南陽南籍采蘋  
兩世交情意氣中莫愁湖畔喜相逢職方猶是司  
空政粉署元承開府風三鳳凌霄鳴海上孤鴻伴  
月滯江東故人相見俱憐我不識君今可薦雄  
於贈廬陽馬司理梁園蘇林湘不贊良亦東日  
冀北真才冠世英名區臥理政刑清風移仙舫金  
湖靜月照公車玉斗明聖主臨軒中夜問詞臣獻  
頌泰階平黎元欣躍歌謠處漢代循良青史評

疇昔黃梅刑政平只今淝水著賢聲雄才自古堪

涇川王氏詩輯 卷二

十

繁劇清世伊誰更寵榮入境棠花陰獨茂隔江鳧  
鳥影雙橫知君惠愛民心洽夜席虛前召賈生

龍門宛陵晤太邑潘明府時所小集

龍門孤峻萬山中三月鳴琴化已通花滿江城家  
法在雉隨香轂感孚同君還踵武先人蹟我正瞻  
依鄰治風清夜劇談情戀戀杯脚不覺月光東

貝幣渡江泊湖口

淮海經行幾度前扁舟清興欲茫然山陰野客停  
孤棹水國人家落暮煙兩岸汀洲芳杜長中流簫  
鼓畫船旋悠悠鄉思今何託獨向湖南詠采蓮

風。寄。鍾。見。阜。詩。卷。一。蘭。亭。賦。癸。登。代。隱。人。  
連。枝。楚。水。獻。琅。玕。疊。播。雄。詞。丕。植。看。荀。氏。人。龍。知。  
澤。遠。鄭。家。經。術。羨。才。難。譚。心。恰。似。開。仙。苑。附。驥。堪。  
攜。侍。帝。壇。遙。望。湖。湘。勤。眷。念。幾。時。披。寫。一。留。歡。  
小。賞。方。望。山。邀。遊。蕭。明。府。去。思。祠。時。望。山。將。往。白。  
亭。高。下。訪。明。府。降。昔。昔。風。自。襲。來。好。分。野。雷。轟。  
欣。逢。快。友。得。舒。顏。散。步。清。溪。一。水。灣。名。宰。甘。棠。遺。  
蔭。外。生。靈。勒。石。去。思。問。東。湖。開。院。儲。英。最。嚴。嶽。空。  
庭。引。訟。還。此。去。好。傳。京。兆。尹。幾。時。攜。手。眺。鍾。山。安。

簡嚴郡庠李學博

涇川王氏詩輯

卷二

十一

幾。度。秋。闌。夢。裏。過。廣。文。造。士。見。菁。莪。旋。收。文。毅。登。  
清。廟。肯。使。懿。康。隱。薛。蘿。學。悟。延。平。濡。雨。露。教。敷。安。  
定。沛。江。河。嚴。公。遺。跡。今。仍。在。好。藉。清。風。流。詠。多。空。  
孤。亭。高。倚。碧。天。開。名。哲。清。風。自。漢。來。秋。色。煙。霞。塵。  
外。賞。簷。前。水。月。鏡。中。回。閒。時。興。展。魚。偏。樂。靜。裏。機。  
忘。鳥。不。猜。誰。識。羊。裘。終。隱。客。永。傳。偉。蹟。邁。雲。臺。  
寄。紹。興。蕭。刺。史。拙。齋。心。領。開。山。英。明。興。事。  
會。稽。太。守。已。經。年。課。最。翻。翻。邁。昔。賢。飾。治。文。章。酬。  
夙。願。持。身。直。毅。信。家。傳。蘭。亭。麗。藻。登。歌。外。蜀。郡。人。

才報主前。便欲泛舟尋禹穴。新詩惠我似虞絃。  
碩輔耆英望。奕然風神尚似總裁年。具瞻久識三  
孤重。褒勅親承御筆宣。身係溫公歸洛外。功居潞  
相退朝先。長生從此堪圖記。何用蓬萊問列仙。  
官舍嘗親獻。可風樹雲三紀切微衷。詞飛中秘名  
偏重節。駐湖湘望獨隆。禹穴未論山水興。文臺猶  
紀詠題功。揮毫清夜情何極。明日頻看一水東。

寄游恤刑少澗

涇川王氏詩輯

卷二

十二

三覆璽書出帝城。越中共道已無刑。冤消旱海逢  
甘雨。春到錢江詠德星。欽恤惟知頒舜典。高門誰  
不慕于庭。公餘逸興揮毫處。還有瑤篇勒石銘。  
絃歌循吏似君稀。况復清操徹禁扉。署柏甘棠留  
楚水。臺霜膏雨遍京畿。自隨一鶴堪風世。不設六  
條定息機。信是知交酬夙望。佇看諫草比弦韋。

長興弔徐方伯子與  
青青墓草已經年。纔奠生芻淚似泉。一代文章追  
大雅。千秋日月照遺編。臬藩馭歷勳猷在。郡國循

良金石傳。孫子說說看世美。臯夔應侍聖人前。

舟入于湖歸思盈。為闕傳是李公視權。

遺澤虞署通商紀。盛名砥柱礪磯堪。仰止流波江

水見澄清。中懷耿耿情何限。好藉良緣續舊盟。

只索麟趾吕公按涇席上賦贈。

祖翁相業自天裁。憲署英孫步武來。喬木已開前

代蔭甘棠。還向此時培。褰帷布德冰霜潔。飛蓋平

刑雨露廻。共道于公多惠澤。他年清譽滿中台。

王文燿 字形中號及巖巖潭公三子萬曆壬辰進士除新淦縣知縣考滿入覲遷刑部

涇川王氏詩輯

卷二

十三

主事

按公詩集無考今祇從賞音錄入數首賞音係邑人左士望文佑人同輯邑志以為邑侯侯世淮所著殊失實也

題草蟲圖

尺素丹青上。紛紛化景開。眾禽鳴院宇。芳草遍池

臺。幽曠迎風至。清馨襲袂來。人都驚夏蚤。詎識畫

工催。

快入馬二菴遊廬山東林寄贈

勝跡紀東林。高人乘興臨山連。廬阜秀水渡虎溪。

深庭草生禪室池。蓮淡客襟誰清塵外想。去住本



同心。

發清源至高唐

征路杳無極。野亭花載芳。采風過魯國。持節入齊鄉。河北春泉渺。山東雲氣長。行行未可止。乘月及高唐。

送劉紫峯出宰

旅遊送別意無端。况復淒清屬歲寒。勅自九龍分羽旆。文從雙筆集琅玕。已知撫字安民易。莫念棲遲行路難。綺席陽關分手去。瑤琴一曲不終彈。

王大亨

字隴田。星潭人。萬曆癸未武進士官。荻港總府。

涇川王氏詩輯

卷二

十四

王論陣法

陣法不始自黃帝。天文垂象有積卒。積卒房度十二星。內四居中。中壘實。外圍以八象。八營。內外合九九軍出。鳥蛇龍虎起風雲。天衝天衡前後密。黃帝演作五陣圖。取名握奇師以律。涿鹿一戰擒蚩尤。法本先天無他術。太公五行增三才。諸葛陣勢更奇逸。魚復平沙列八行。壘石千年猶凝謐。九軍遞變為六花。擒虎秘傳李靖述。方陣內圓外必方。以八包一排梳櫛圓陣內外則皆圓。以六包一奇正。悉其間變幻無常形。兩翼居前進退疾。長槍勁

勢相鈎連。更番互代旌旗秩。此法人巧。本天工。闔  
將服習不可失。

王士俊

前岸人任主簿

擬謝元暉高齋視事元韻

雪霽山逾碧。露開窻有日。遠樹何離離。眾鳥各已  
出。正襟來清風。坐我以秉筆。房櫳閒且肅。慷慨日  
抱膝。深感國士恩。所憂事不一。極目望霄漢。輕雲  
去何疾。

王士俊

字爾立前岸人任湖廣黃江主簿

豪情歌

涇川王氏詩輯

卷二

十五

厨無粒米竈無煙。風聲霜氣破晴天。幽人曉起望  
四邊。東山之間紅日懸。春頭閒愛凍痕堅。死灰鑪  
中欲復燃。呼童揮扇煮冷泉。三椀直飽梅花前。芳  
香噴鼻笑神仙。老幼俱解俗情捐。險境危途磨英  
賢。古來無我誰能全。大任人寔豈易肩。彼蒼獨覺  
錯愛憐。海水雷奔長鯨還。我欲騎上崑崙巔。直傍  
帝座問塵緣。

王景聖

字仰夫大坑人諸生有聲復社崇祀水  
西書院

土嶺亭古松歌

從來深山隱大樹。大樹雖多少竒古。惟有土嶺亭

邊松。礫柯支離罕與伍。孤身子立大途傍。四圍怪石作夾輔。貞心不懼霜雪侵。勁質常看弱脆腐。森布儼同翠蓋張。崛強更作金釵股。鶴骨虬枝結萬重。拂地流雲獨飄舞。胡不生。在文宣廟。車服禮器時時覩。胡不生。在泰山麓。堪與大夫相步武。甘心埋沒深山中。日受寂寞凄其苦。祇爲山徑掃塵埃。祇爲山亭蔽風雨。祇與小草共徘徊。祇引幽人來摩撫。人每尤松不中繩。不能作梁并作柱。我獨喜松。屈曲身無能。幸免工師斧。請看世上有用材。幾個能得常曳組。何如此松獨延年。閱盡古今人難

涇川王氏詩輯

卷二

十六

數。

王之棟

字隆吉厚岸人萬曆癸酉科武舉人

偶登石闕山

杉風引得足蹁躑。此際逍遙石闕前。蘿逕行來扳怪石。竹林踏去聽幽泉。遠岑翠疊千重色。平野蒼橫一帶煙。無限白雲留作賦。提壺歌鳥助狂顛。

王宇興

字洪夫大坑人諸生與復社諸賢講明理學崇祀水西書院

九日登承流峯

承流直上挂青天。無數秋山列眼前。紅日當胸難炤佛。白雲生足恍登仙。懸崖瀑布三千丈。覆寺苔

提入百年。寺門前榆樹相傳五代時物。笑指兒童收敗葉。榆錢

且當杖頭錢。傳五代時物。

王燾字紹槐東隅人官光祿寺署正

### 王寄上饒丁士奇

會記都城下。載書結弟兄。遠山聞伐木。隨地坐班

荆。白水交原淡。青松誼自貞。望中雲樹杳。何日會

尋盟。字見心東隅人萬厯丙午舉人

王時復字見心東隅人萬厯丙午舉人

四海稀同調。行贈異之家弟。

肝膽剖向誰。幸惟予與弟。少長相追

### 涇川王氏詩輯 卷二

十七

隨予懷弟能喻。弟衷予不疑。高會鬱敦樸。產此兩

男兒。並負磊落質。世情那足羈。閒居偶述古。孰是

最雄奇。弟意羨朱亥。椎奪晉鄙師。予慕魯朱家。脫

季布於危。俠烈邈難逮。托志固若斯。眾人爭驚詫。

無乃忒狂癡。稟氣有偏特。庸談姑謝之。人生行胸

臆。奚事踟躕為。

王時可字異之時復弟國子生

### 王遊桃花潭

東隅人官光祿寺署正

夾岸芳菲萬樹新。澄潭香浸武陵春。扁舟別思千

峯下。處士歌聲一水濱。頻醉自應忘主客。淡交勝

似飲醪醇。青蓮遺跡依然在。無復當時花笑人。

王希謙

字六吉。丁潭人。國子生。

按公性喜吟咏。遺稿散佚。此詩鐫於石壁。間得僅存焉。

王西山洞納涼

吾愛西山爽。乘涼到此中。苔痕侵袂綠。日色隔林

紅。好把煩心洗。由來世事空。安爐容少住。煮水喚

奚童。

王大成

字軼若。東隅人。泰昌庚申遜貢。

王秋夜

高秋明月夜。爽氣散空林。靜院清風度。誰家橫笛

涇川王氏詩輯

卷二

十八

音

王佐

字翊夫。大坑人。天啟壬戌武進士官河

王送族弟廷溥之任樂安

柳色初黃草乍青。不堪春到送行人。燕臺行李悲

鴻雁。南園郊陌待鳳麟。世事須知歧路險。交情且

藉酒杯伸。會看取試平生學。一飯無忘報紫宸。

王徽

字慎五。星潭人。幼有神童名。弱冠博覽

經史。涉獵諸子。落筆纂言。欲踞千秋一

席。三十為諸生。文出而姚希孟顧九疇

陳際泰周鍾輩極口稱賞。因此結交。與

王希謙

豫章吳越諸名人。同倡復社。年

三十四卒。著有亦世堂詩文集。

王希謙

會化龍曰。王生慎五。予蒞宛陵時。童子

試首取士也。少負異姿。其才其志。嘗不

可一世舉子業根據經史離奇獨絕不  
屑銖稱寸較以影射子筆餘墨瀋之間  
餘理所被若五七言古今體詩又足雁  
行王李張天如日慎五為文靜重深  
至不尙苟同陳際泰曰慎五快士也  
為文憑空出險以馭其所自得英爽之  
氣時復逼人鄭相如青虹閣詩評曰  
王慎五才氣雄猛不可一世得意時如  
公孫大娘弟子舞劍奇勁奪目按公  
詩有亦世堂初時刻再孫國彙為一集  
稿四種國初時姪國彙為一集  
序而行之今板已磨滅族人慕堂先生  
謀為重銀  
洵盛事也

八詠黃蒼徠師紺圍

萬物任自然經營隨所遇幽懷水石縈清課烟霞  
成著書門館肅古人通澄慮樓寒泛遙光蟬潔噪

涇川王氏詩輯

卷二

深樹肥塵不得入鄰園欣同住借彼依倚情博我  
家常趣魚譜逢客歡鳥任啣花去天池無網羅昔  
人多感遇冥心觀千載桃源知何處

送李贊陽孝廉還臨川

應求有冥理良似鹽與水率爾而渾然相於忘所  
以昔我遊豫章君也貽我芷今我棲白下送君渡  
揚子一部金蘭集於何處說起所嗟故人誼餘芬  
不惜齒下車問王郎肝胆周而始以其春風信吹  
我眉稜底方欲往從之而君賦歸矣各在天一方  
互居腹之裏南山一竿竹伐以調宮徵此事非偶

然或有數存耳。竚立望帆影中。摧不能已。尙期明月照消我相思病。

送張公亮還金沙

十年攪我腸。一旦掀我眉。君子良自如。余也知爲誰。鳳不在邱阜。龍不在河湄。別有藏修地。難令世人知。兩形孰者是。道然傾所私。要從至性合。非但緣湊之木石。驚搖落俱動。故鄉思吸盡。大江流浣我雪霜姿。語別朔風下。徘徊苦相持。鴻雁幾時來。吾心殊獨悲。悲亦不闕情。古道刺肝脾。莫賦行長安。長安多路歧。莫賦上河梁。河梁古別離。莫歌折

涇川王氏詩輯

卷二

二十

楊柳楊柳經冬衰。丈夫感知已。惆悵空爾爲。

送沈眉山暫歸宣城

青青長干柳。皇皇城南路。子向敬亭歸。我留白門住。割席不經心。慷慨別離湄。音悞倉粹也子云君勿悲。彌月應重晤。嗟予惜別人。遠計來早暮。暮見當更愁。早來今亦妬。譬彼韃韃者。雙飛時相哺。一日各東西。哀鳴如孤鶩。安得同心友。朝夕連枝樹。因之嘆晨風。次且難展步。

呈黃蒼徠師時爲師度辰

大塊饒孳孕。于喁遍紅紫。有雀紇于鳴。頃刺生羽

蓋四時詎皆春。春爲使君使。都哉覆育心。索駿自  
隗始。願言公碩膚。懿昭赤舄几。嗟余忝谷人。望澤  
擷蘅芷。襟袖散餘馥。挹之芬徹髓。生小沉重困。古淵  
字距天乃僅咫。何以祝萬年。瞿五丈夫子。

送陳士業北上  
幽人無淺韻。竟體芬蘭妍。結根依深谷。乃在雲霞  
邊。顧我當戶種。荆榛紛相連。棄置大道旁。動君性  
情憐。紉佩良足當。采之獨嫣然。嗟哉行役遠。索爾  
帝京篇。

庚午初客郡中得會霖寰師書

涇川王氏詩輯

卷二

二一

高臥樓端頭。書魂慵不起。黃鳥遶墻聒。得毋報所  
喜。有客東南來。爲傳師門音。聞之不自持。未言先  
啟齒。倉皇開封識。首尾數番徙。初讀欲卽竟。已終  
周復始。中言子今日。差雪彭衙恥。又述古人言。所  
爲未止此。相勗以古道。敦勤如面指。風霜肅行間。  
琅玕戛字裏。讀罷什襲藏。紛緒從前理。腹中車輪  
推。浩歎愧知已。

抵泉州謁黃蒼徠師志喜  
至人多澹蕩。大道絕驩虞。獨有知音感。中心較難

誣。渺渺浙江水。拳拳建溪脯。竭歷三千里。敦好在



斯須喜極不能言。四體俱華敷。適進新荔枝。飽噉勝醜。馱夫子。驚猶夢。頻笑捋髭鬚。容正銷費其舟自浦城下建寧。

兩山如牙門一山當前立。不知崎嶇內何由。一線入亂石。排中流。相追恐不及。橫者虎豹蹲。直者鯨鯢吸。因之觸水怒。攢峯如角觶。想應鉅鹿戰。無此呼聲急。輕舸不容髮。箭下勢殊疾。恬情漾空光。空翠濺衣濕。

哭沈君烈

婁東有奇人。滿腹皆機械。趣挾鬚眉生。韻教衣冠。

涇川王氏詩輯

卷二

二二

怪拈杯一石。少落筆千言。快自號風魔。子旌還花月。債金沙周介生。共結藕絲帶。又聞兩琴張。見君亦下拜。君今賦玉樓。春風知已敗。吳王姑蕪臺。淒涼不可奈。花月爲誰賺。煙雲爲誰賣。家有萬牒文。却車亦難載。國門未盡懸。精光繞泰岱。莫教仲士衡。便宜中郎蔡。造化忌才人。誰云刺褐大。哭倒婁東城。始洩吾忿。憊君烈。仍笑笑蓬萊。只一塊。

靈隱寺觀紅葉

寒山不冬花。花卽在於葉。葉本無花容。玉龍噴其血。我佛觀大意。照以光明曉。洒向靈鷲嶺。萬法歸。

一色山以光爲受。波以影相攝。兼之道人心。見此如見獵。所遇丹青外。都於此無涉。

五印菴觀娑羅樹

見樹而敬之。良由天所注。摩娑壁上記。

記出李麟初太史

知是娑羅樹。此樹自西來。惟共我佛住。以其定慧

性。施彼恆河澍。豈予有佛因。戀此不能去。

望夫嶺

在進賢縣

朝上嶺頭望。暮上嶺頭望。望郎郎不見。朝暮嶺頭上。郎歸或有時。妾早化嶺樣。呼嶺嶺當應。呼妾妾惆悵。但得郎歸來。土石齊響亮。

涇川王氏詩輯

卷二

二三

摘星樓

漏盡入寒窗。天迥四方窄。冷冷幽相取。玉繩界瑤宅。亂影點峯翠。空光蕩橋白。中有素心人。月魄而水魄。出門少塵遊。下榻無俗客。語久神骨清。銀河瀉其額。但恐蟾蜍低。星小不堪摘。吾意欲此樓。易名爲天尺。

撥悶

終日無佳狀。謂寢可寄托。及至閉眼時。夢境又殊惡。去年遭苦別。血痕濡金錯。今年當再獻。望報去年脚。自分薄命人。何地堪棲泊。將欲潛于淵。淵有

時○而○涸○將○欲○上○于○天○天○有○時○而○落○天○淵○本○自○如○爲○  
我○偏○蕭○索○惟○其○上○下○難○所○以○歎○命○薄○

送○會○霖○寰○師○歸○溫○陵○守○制○賦○得○於○此○泣○無○窮○

從○遊○歷○數○載○朝○夕○侍○師○旁○名○雖○師○與○弟○義○則○父○與○  
郎○愛○我○如○珠○玉○敬○我○如○卿○相○期○我○天○下○士○訓○我○古○  
端○方○既○飽○囑○加○餐○未○寒○製○衣○裳○前○年○爲○我○聘○舊○年○  
納○糟○糠○我○婦○知○大○義○對○之○如○舅○嫜○憐○我○別○痕○酷○齒○  
頰○溢○芬○芳○常○云○子○勿○苦○吾○目○自○主○張○前○年○攜○我○遊○  
歷○觀○山○水○鄉○九○月○到○武○林○十○月○抵○豫○章○武○林○宿○山○  
菴○夜○夜○共○衾○床○同○遊○錢○孝○直○三○歎○匪○尋○常○豫○章○住○

涇川王氏詩輯

卷二

二四

彌○月○逢○人○說○王○郎○一○時○諸○名○友○賀○我○有○緣○良○見○我○  
老○父○來○待○以○兄○弟○行○聞○我○兄○弟○至○呼○之○俾○上○堂○我○  
家○井○竈○事○細○與○問○端○詳○我○歸○未○數○日○催○我○早○治○裝○  
謂○我○難○再○別○今○年○須○飛○翔○今○我○二○月○來○朝○夕○侍○師○  
旁○太○翁○健○飲○食○相○將○慶○壽○康○那○知○白○雲○下○太○母○捐○  
高○堂○來○奴○舌○澁○澁○未○言○泣○汪○汪○師○急○前○致○問○心○知○  
定○不○祥○一○聞○此○凶○音○呼○天○呼○引○娘○五○體○俱○仆○地○舉○  
家○痛○倉○皇○我○急○前○握○手○淒○然○淚○兩○行○相○持○數○日○泣○  
夢○寐○亦○悲○傷○我○勸○師○休○慟○師○慰○我○無○傷○既○命○以○文○  
事○又○曷○以○行○藏○言○雖○三○載○別○相○見○日○猶○長○我○始○疆○

吞聲恐師碎肝腸。三月初三日。素車如雲翔。我出  
通濟門。哀聲惻道旁。舊心隨師去。新面向誰揚。師  
言郡試後。子當遊吾鄉。再拜勉應聲。送送淚千行。  
一行到句曲。二行到丹陽。三行到姑蘇。四行到錢  
塘。行行留不盡。直至晉安鄉。莫謾嗟征途。途長淚  
更長。莫謾去天遠。短眼自茫茫。安能截海角。使海  
可尺量。安能縮天垣。使天無四方。我願爲黃鶴。隨  
師到晉江。我願爲蝴蝶。向師夢裏颺。生別數日惡  
此言猶泛常。逆血瀝於紙。豈止咏河梁。按此詩洋  
五百言。大有漢焦仲卿妻詩風味。惟內三字押旁字  
鄉字。行字二押郎字。方字常字堂字翔字殊有複

涇川王氏詩輯

卷二

二五

句重韻之病。然以知已之感語。語從血淚。迸出一  
筆直書。正古人所謂情至文生。急不暇擇者也。余  
初欲刪置此詩。因思古詩用重韻者甚多。故終錄存之。并附誌于此。

雨。獐。簷。吼。涼。生。幔。祝。座。回。席。割。其。半。紅。雲。入。夢。阻。  
山。川。千。年。公。案。留。今。判。友。朋。自。古。賭。肝。腸。白。雲。肯。  
將。黃。金。換。勝。會。居。然。洛。水。邊。共。聽。茂。先。談。史。漢。古。  
人。雜。坐。眉。頭。笑。老。天。捉。向。舌。底。爛。製。字。臺。邊。鬼。叉。  
來。空。中。咳。咳。如。老。鶴。崔。家。姨。娘。奏。冥。音。紅。窻。影。亂。  
榭。葉。歎。許。陳。二。子。亦。淋。漓。互。送。異。同。忘。憤。岸。有。如。

韓。媽。富。家。資。若。個。金。丸。隨。手。彈。呼。盧。浮。白。語。無。休。  
几。前。雨。滴。唇。翻。瀾。鬼。頰。餓。叫。爲。檣。杵。龍。泉。饒。嚙。思。  
可。汗。借。問。儂。是。何。如。人。前。度。登。樓。之。王。粲。胸。前。塊。  
壘。高。於。山。陔。遇。知。音。便。拍。案。落。魄。江。湖。一。錢。無。穹。  
然。自。視。如。留。鄴。要。識。肝。腸。幾。許。大。只。有。些。兒。任。君。  
看。送。味。大。眼。角。天。數。新。事。難。道。和。風。雨。共。舞。

耳水留別張天如兼示受先

浙時從曾霖寰師遊江

姊。守。空。房。阿。妹。嫁。羞。與。屠。兒。聯。姻。媿。燈。前。裏。淚。理。  
舊。裳。瞥。遇。瑤。姬。從。空。下。自。言。某。姓。與。天。連。廣。寒。姮。  
娥。自。某。勝。如。蘭。吹。氣。能。噓。枯。丹。霞。笑。落。碧。雲。亞。之。

涇川王氏詩輯

卷二

二六

子。于。歸。自。有。期。琴。心。徒。令。飛。瓊。罵。儂。隨。姬。至。上。清。  
宮。壁。光。分。白。銀。河。瀉。爲。贈。三。尺。七。裏。錦。縫。盡。東。南。  
天。補。罅。保。母。攜。儂。泊。江。湖。淒。魂。擁。髻。倩。粧。卸。誓。將。  
江。水。潤。枯。腸。不。抱。琵琶。鬧。隣。夜。貞。女。要。當。冠。六。宮。  
羞。擬。和。戎。聊。代。禡。天。邊。鴻。雁。影。踈。踈。願。姬。憐。愛。渾。  
久。乍。疎。懶。留。儂。送。歸。帆。恨。幾。許。有。大。只。有。些。兒。任。君。

壘高齊山

劉庶暉音更韻案齊鮑丘賦一類無容

秋。浦。名。山。推。九。子。齊。山。比。之。卷。石。耳。而。以。他。境。視。  
齊。山。似。此。益。觀。曰。足。矣。譬。如。王。謝。家。子。弟。小。可。舉。  
止。亦。風。流。又。如。看。揚。州。美。人。不。在。粉。面。與。油。頭。我。

來時正值深冬。無一莖草雜其中。但見膚骨皆爲  
石。石如天竺之玲瓏。前注巨湖無滴水。明年春夏  
必漱漱。桃花荷花相繼映。碧者自碧。紅者紅。以今  
所無想。後有差類。嚼屠止饑口。昔遊武林看諸山。  
猶與山靈相狎久。祇今下馬撫山髻。忽來忽去殊  
造次。大抵如淵明讀書不求甚解。觀大意。送鄒恭甫孝廉還臨川

送鄒恭甫孝廉還臨川

絕世佳人鄙秦虢。深閨靜院供刀尺。侯王自慣調  
酒胡。何慮梟呼鳳。曰嚇吾聞鄒郎落魄時。仗劍大  
言露嶽竒。戰氣一鼓無堅壘。少年輒擐大將旗。王

涇川王氏詩輯

卷二

二七

郎亦是俠男子。生平強半爲情死。况兼我友多意  
氣。忍愛匣中三尺水。君已青袍我白衣。睜眼縱譚  
玉屑霏。長江吸盡蛟龍俎。手提白日送君歸。

海日篇爲東粵鄭彙銘師壽

神君夜簡靈筌寶。玉燭崑攀拔瑤島。太陽鬱萃拂  
扶桑。勢壓望舒走碧草。光氣遙遙五羊城。雄魄先  
到吳山道。猷州草木亦闕緣。分得餘暉競天好。顧  
予宿種距天都。獨自攀來羲馭早。連年窮壑耐豐  
隆。一旦虛溫揚丹漆。可堪認作楊回鏡。持向六宮  
照。開掃五雲湧。現一輪明張帝互歌長不老。

送李其生還秦上都宮笑觀山黃嶺嶺立  
西京迢隔三千里。彈劍壯遊窺吳壘。江南水液坐  
相侵。穀紋踽踽眉間徙。潤喉細吐風如縷。拂袖微  
聞蘭麝氏。買得縹囊三十乘。頂蟲牙駢飛洛水。願  
君寄語洛中人。長柄壺蘆多種子。兼葭歌罷歌無  
衣。五丈原頭赤光起。日三關具望黃山黃嶺嶺案

泉響僊霞嶺

上山兩足重如鐵。下山兩足輕如葉。葉輕一往不  
能止。鐵重一往不能起。摩空隔樹望行人。但見行  
人樹杪裏。欲叩天門東復東。居然身在煙霞中。

涇川王氏詩輯

卷二

二八

人樹夜泊

月。出。山。間。遊。河。水。高。低。一。色。曠。千。里。美。人。對。月。理  
鄉。思。况。復。蛩。蟹。亂。紛。耳。起。視。長。天。一。孤。舟。風。動。林  
泉響。脩脩。

讀書仙源焦氏已三閱月望黃山如几案間  
物至今未一登遊山靈得毋嘲乎賦此奉  
寄聊以自解云耳

黃山三十有六峯。峯峯似削玉芙蓉。輿志人言都  
髻鬢。欲往從之必蕭離。白雲好與遊人揖。瑤草琪  
花傾靈汁。神仙不御上清宮。笑踞山頂撫松立。王

子吹笙過伊洛。栩栩門風矜樂託。竭來繡紱黃山下。嚼蘂茹茶披纓絡。十年湖海夢中身。覺後迢然舊葛中。周郎意氣大江盡。庾信文章京洛塵。蕭條環堵延清賞。不咎將來咎既往。莫以跛予望宋遠。莫以一葦航河廣。紫霞翠露落瓊函。如與幽人恣面談。嵐光遠映碧窻裏。組織七襄非絲蠶。開門見山山自至。汝我之情詎造次。譬如客拜主人遲。主人豈言客氣勢。山水所貴在知己。遠近離合徒迹耳。等閒無數往來人。覲面黃山未覲止。誰當長嘯呼青鸞。聳身高臥碧雲端。丹鼎應留砂與礫。錯薪

涇川王氏詩輯

卷二

二九

平楚化梅檀。慇懃寄語訂清約。魂氣飛揚亘坤絡。燒芝煮石會何時。直待涼陰生萬壑。

十六韻寄升初右丞二姪

時二人以郡試廢復讀書于敬亭

烏衣世業訂蘭情。遙擬文章列宿明。樂令清天雲散盡。曹郎白地錦裁成。三年締社題如石。數載同心羨斷金。草帶由來推韻具。織簾從昔博寒名。千圖依舊千無得。共戰何如不戰贏。繡虎鉞閒腸鬱鬱。黑貂裘敝淚盈盈。儂將學佛遊荆楚。汝反讀書住敬亭。泣玉軒前禪拍玉。翠雲菴上物華新。士元有志雄三國。平子何顏賦二京。詎復韓非孤憤語。



能無謝氏一家心。幾回閉目羞披卷。終日蓬頭悔  
頂中。世態炎涼。憑水火。鄉評甘苦。任蓮苓。牧童吹  
徹無腔笛。東道頻開不落樽。燈下影隨空障隔。夢  
中詩就漫沉吟。焚舟雪恥英雄事。付囑升初及右  
丞。

哭族伯開陽

伯廩于郡者二十一年貢期將及而卒

銅山崩。靈鐘慟。揚雄書室秋鬼闕。當時髯笑兼眉  
言豪氣。二十吐焯煉。奈何白戰鐵衣腥。忽接有庠  
不及貢。出師未捷身先死。江湖濺淚星辰痛。雖然  
君無痛。我請爲君誦。君不見石季倫。死後黃金不

涇川王氏詩輯

卷二

三十

相送何若。笥中多積書。常在寒山呵筆凍。又不見  
管公明。早世遺文蓋醋甕。何若衍衍三十年。尋常  
措大清官俸。又不見蕭穎士。先人告餒九原恫。何  
若階前春日長。謝庭瓊樹超宗鳳。君雖去。君毋痛。  
我來快談一曲梅花弄。

葉尹玉過訪敝舍夜來酒後耳熱慷慨悲歌  
中猶做放筆書此

夜來虹光閃萬里。西方赤燄東方紫。六丁六甲掣  
空來。爲報玉人嘶駮駢。金鞭橫揮到淡軒。下車忙  
問慎五子。一見狂呼忘主賓。笑指乾坤一粒耳。不



說文章說肝胆。劍氣騰騰刺錦水。清酒數升訂萬  
古。缺天不許後人補。大叫管鮑是何人。千行國淚  
濺黃土。靴尖踢倒遼陽城。誰仗天龍降地虎。投筆  
棄繻吾輩事。滿腔熱血喫宗祖。欲殺欲割一任之。  
莫學窮酸并餓腐。

涇川王氏詩輯

卷二

三一

管公明。世道文章。蓋。有。行。街。三。十。年。尋。常。  
指。天。清。官。文。五。不。先。人。告。飯。九。原。何。  
若。階。前。春。日。長。樹。庭。愛。樹。超。宗。鳳。君。離。去。君。毋。道。  
我。來。快。談。一。曲。梅。花。弄。

莫。學。讓。鎗。代。鱗。敵。含。夜。來。酒。後。耳。熱。慷。慨。悲。歌。  
棄。謙。吾。輩。事。滿。腔。熱。血。喫。宗。祖。欲。殺。欲。割。一。任。之。  
莫。學。窮。酸。并。餓。腐。  
嫩。黃。土。蹄。尖。踢。倒。遼。陽。城。誰。仗。天。龍。降。地。虎。投。筆。  
古。堯。天。不。許。後。人。補。大。叫。管。鮑。是。何。人。千。行。國。淚。  
濺。黃。土。靴。尖。踢。倒。遼。陽。城。誰。仗。天。龍。降。地。虎。投。筆。  
棄。繻。吾。輩。事。滿。腔。熱。血。喫。宗。祖。欲。殺。欲。割。一。任。之。  
莫。學。窮。酸。并。餓。腐。

厚古	册数	4
古	定价	5.00

